




元朱

下集



存復齋文集卷之六
朱氏族譜傳序

昔周封書末於邾子孫去邑以朱為氏歷世既久源長派別支
為百宗不可殫尋其緒惟吾朱氏世系雖陽宋朝議大夫兵部
郎中贈司農少卿德潤九世祖也初遠祖仁軌在唐咸亨中隱
居于亳從祖敬則累官至正諫大夫兼脩國史至十世祖漢賓
事梁太祖歷滋滑宋亳曹五州刺史贈太子少傅謚貞惠五季
艱難徙居睢陽宋景祐中九世祖貫積官至右司諫進兵部郎
中致仕偕杜祁公燕中睢陽為五老會宋人圖之七世祖喬年
以國子監直講進郊社令六世祖椿年入金為國子校勘轉太
常丞五世祖源潛隱弗仕時金泰和中淮蔡擾攘四世祖直閣
公子榮南奔渡江年甫六歲初拉瓜步津舟人需渡錢無有因



為竹篙柱墮江津俄而舟過丹陽公亦登焉舟人驚訝問所以
得渡公曰附舟拖來矣衆咸歎異同渡僧允謙因携以詣吳郡
守賈青故慶曆相賈魏公之孫也實與朱氏世契乃俾托居
于史元長家及長好讀書貧無以養時販繒自給寶慶初為江
州文學仕止朝奉郎直秘閣以朱氏渡南之始傳也再傳而曾
祖大有仕止寶錄院脩撰三傳而祖應得仕止太學正四傳而
至考瓊國朝初授無錫縣學教諭又調長洲學諭即謂人曰吾
家世儒冠自前代以來俱稱清白今為學職而位薄不贍豈將
取諸人乎遂隱居教授不出專經之暇空遺文小史陰陽卜筮
之書靡不周覽元統中卒于家至德潤凡五傳焉嗚呼禮以大
宗小宗之別著為大全而族屬之三從再從同堂者則又盡于
總麻然則大宗之家雖五世絕族者亦為之齊衰三月則始祖

者雖百世祀可也若夫歲月之悠久土地之遐隔仕止之異途
繆述其宗族者有矣今則以其在譜者緒其傳有銘誌者記其
行事述為小傳自少卿而下凡八人使吾朱氏之子若孫閱譜
而得其傳閱傳而知其行事庶乎歲久之不忘而或有能聞風
而作興者則亦朱氏之有人焉泰定元年歲甲子正月初七日
曾孫朱德潤序

高祖諱貫字貫道世本亳人五季徙家遂為睢陽人少警敏嘗
讀書一覽輒不忘明道中登進士第積官至右司諫進兵部郎
中治平中贈司農少卿公博學有識度常上書言治道謂英愚
不當並處若賢者在位則小人亦化為君子如蓬生麻中不扶
自直上嘉納之又言方今四方粗安然非謂太平也何則北有
強鄰西有叛虜數擾內地兵疲于外民竭于內而廷臣晏然自

以為太平往年西師大舉州郡虛耗設有棄輿而起雖善治者不能料其後也況秉樞之臣與戚里同事忠勇之臣不得盡力邊隅以陛下所宜深慮而明斷也上其論之擢右司諫慶曆中將大用為言者忌遂以兵部郎中致仕退居睢陽偕初國公杜衍司農卿畢世長禮部侍郎王渙駕部馮平為五老會宋人形于繪事歐陽公為之賦詩皇祐中卒年八十九子喬年

八世祖喬年字公壽以蔭補為太廟齋郎少英爽自負教上書言事為國子監直講以母憂結廬睢水村躬耕五年俸劬骨立再起為郊社令卒年五十六子椿年

七世祖椿年字崧之金天德中海陵王南征盡有淮蔡之地大定中公以選試經義中格授國子校勘文字三年轉太常寺檢討因議封事不合乞歸田里十年將有事南郊起復為太常丞

上所撰郊祀禮書其略曰人主事天所以崇報本也若幣帛犧牲儀衛音樂過奢則煩民而瀆神所費甚廣矣古者掃地而祭蒲藁越席陶器匏尊而能格神祈天者以盡誠敬故也後世禮文滋多而誠敬甚闕蓋非報本之義也世宗約之尋轉掌國史判院事卒年七十三子源

六世祖源字昌本介潔不群嘗閉戶讀書數月不交人事出謂人曰吾所學者古賢人事何暇與若輩言稍出復閉戶如初然少嬰疾金承安中卒年三十五子二宗

五世祖子宗字公顯晚號信菴少機警對人似不能言金泰和中淮蔡擾攘公年甫六歲避居人南奔至揚子西津舟人需渡金無有因為竹篙柱墮江津俄而舟抵丹陽公躍而登焉舟人驚訝問得渡意公徐曰附拖米矣眾皆嗟異同渡僧乞謙奇之

携詣吳郡守賈青得寄育于史元長家及長好讀書貧無以為
養時取繒自給寶慶初詣行在所上書言時政授從政郎江州
文學又言方今邊隅之臣常受制于總領官或不詣軍旅者經
畫之際輒成齟齬自今已後朝官雖帶總領亦須詣練軍事庶
幾調度合宜况邊庭之上民情未決險阻未知而輒易守臣此
皆措置失宜也書再上時相難之不報三年轉左藏提轄進直
秘閣咸淳中因論事忤賈似道送大理寺問得秘書家鉉翁力
辨免然猶以婦正人安置淮西至元十三年江南歸附公歸卒
于吳年八十三子大有

曾祖大有字應之性嚴毅雖盛夏冠帶不褻景定中游藝鄉校
赴部用黃甲免試授太學錄上書言方今川口襄陽淮陽三鎮
糧草不繼而兵多疲弱宜遣沿邊州郡遞送糧草使持重之人

深溝高壘收丁壯為守禦計設有北軍至堅壁不動則遠來之
衆前進則有後顧之慮退保則不能久勢自解矣書上賈似道
以為切已不報既而似道謂曰汝賈門婿也何言事若以公答
曰某故賈魏公昌朝孫婿也由是似道益銜之竟誣以事籍其
家送大理寺問得秘書家鉉翁力為之辨遂以婦正人安置淮
西至元十三年王師駐維陽公即着青衫乘白馬徑詣軍前伯
顏丞相以為宋探馬俾引至前公具言似道誤國失信忤害忠
良故某得至此時平章尤公亦在因曰朱某宋名士遂堅欲爵
之公辭以仕官非所願但得正名義歸田廬足矣南服既定丞
相以尤平章至吳城凡宋所籍朱某家產悉還之由是頗營業
為隱居計晚爰內典與阮登炳何處尹等結華嚴會大德三年
冬忽說梵網曰予其逝矣熏沐危坐中宵合掌脫去年七十七

子應得

祖應得字仁仲聰敏有材幹事親至孝定省之暇議論古今父子自為知己咸淳庚午以上舍生會試授秘書省檢閱文字再授太學正以父言三鎮事皆賈似道安置淮西至元十三年江南歸附後復吳中隱居儒司以學校廢薦起提調學事改營廟學祀孔子使諸先游歌詩經邑子偉之學既成即復歸隱或勸之仕曰燭之寶已之聲中年之芻遇未遇彼何心哉又曰人生一夢水齊而汨火盡而傳天也大德五年卒年五十四子瓊老瓊字廷玉襁褓中隨父祖間闕淮楚得復歸吳年二十五儒司薦為無錫縣學教諭又調長洲學諭歲餘謂人曰今世仕祿不足養庶將學而取諸人乎抑自營以資其生乎遂閉門與諸生講授三十年不出城府專經之暇至百家子史陰陽卜筮之

書靡不周覽聞人有能學如不及窮老益堅至弗違暇食遂與世事日薄一室聲然陶器琴書外無長物歲久人持去亦不較性疎坦每游林泉佳處遇樵人牧子即與忘情談笑終日清貧晏如也三山劉宗師贈蒲明復先生晚究易傳作先天後天八卦互屬之圖明動靜隱顯屈伸之理占歲時豐荒雨暘祥禳悉有徵驗至順元年歲庚午秋積雨浚屋所崩忽謂德潤曰明年歲在辛未幹金支火二弗勝水民其災乎然吾大限亦與歲君併吾其弗支矣曰來做汝高材博學身之勞也令聞廣譽忌之招也謙之象曰人道惡盈而好謙節之象曰節以制度不傷財不害民凡人欲之過者本于奉養之厚也先王制其本以節之復天理也然久于其道者其惟恒乎以之脩身其惟復乎汝其誌之吾家世儒冠先世渡江以來遭家多故不絕如綫百年丘

壘汝其保之汝母兆在坐甲向庚前望有水在艮之坤有剝復之象焉順而止之所以觀象七日來復利有攸往若順而守之其有復興者乎但壘抱陰防陰險忌然吾擇之審矣宜弗踰此意造物者生我亦與造物游耳葵祭之禮汝其勤之德潤泣拜曰敢不惟大人之言是聽至冬得寒疾明年春正月卒年五十八

外附先賢跋睢陽五老圖

五老遺像儀刑儼然觀之使人肅然起敬朱氏子孫而能保之真盛事也吳興趙孟頫書

歐陽公次韵謝借觀五老詩云脫遺軒冕就安閒笑傲丘園縱倒冠白髮憂民難種丹心許國尚柏鴻冥得品高難慕松老無風韵自寒聞說優游多唱和新篇何惜盡

圖看當時君子其敬愛想慕固已如此况二百數十年之後併得拜瞻五公遺像于一日豈勝幸願乎想見其高節盛德泰合于治世極盛之日三代之下不亦鮮乎卷尾諸公所跋皆南渡名卿賢大夫觀其書而思其人則有感慨係之者矣按跋語淳熙以前在畢氏紹熙以來在朱氏今幾二百年仍于朱氏之曾孫德潤見之信乎有德者必有後也與泰定乙丑十月一日蜀郡虞集書

汶上曹元用馬祖常拜手敬觀

廣平程鉅夫拜觀

姚燧

馬淵

元明善

致和改元八月晦河東劉致天台周仁榮宛平曹鑑茲吾鄧巨川同觀于吳福孫樂善齋永襟久之謹識

天曆己巳清明日濟南韓籍題于弼教堂
至順三年四月十二日宛丘趙期頤拜觀
至元六年後庚辰歲西夏韓玉倫徒拜觀
至元七年後辛巳歲春二月八日白野泰不華觀于吳郡

朱德潤之集古齋
汴段天祐敬題

朱氏故兵部郎中致仕諱貫在五老中其次四會圖時年
八十八其孫後以金兵迫逐渡江僑居姑蘓今曾孫德潤
復以藝文遊搢紳大夫間世澤之滋于是乎在東陽柳貫
題

嘗讀睢陽五老詩喜從遺像見光儀青雲事業俱休謝白
首衣冠各耄期喬木故家今尚在高山景行有餘思千秋

萬古丹青在珍重仍孫為列碑晉寧張翥題
後學王守誠拜手

五老衣冠圖盛事丹青未數上凌烟典刑如在八九十宴
賞以來三百年珍重當時人物論風流在世子孫傳悠
幾度東門市耆德令人敬儼然俞焯拜題

睢陽五老並虛邪近代衣冠總不如千載高山存景仰憶
從滋浦望匡廬湘人李祁書于范氏之義庄

嘗思拜觀五老畫像來吳中乃獲瞻拜于朱公之孫德潤
文房豈不崇幸哉詩云淑人君子其儀不忒其儀不忒正
是四國杜本敬題

右宋睢陽五老小象一卷當昭陵盛治之時人物不減三
代五老高年雅望告老燕居適同里開遂為佳會圖而歌

之以為衣冠盛事距今三百餘年儼然如生陵谷交興獨
吳中朱公之曾孫德潤能寶藏之德潤嘗以才學選為提
學官時出此卷於搢紳間因以自勵予分省中吳復拜觀
焉嗚呼文獻遠矣朱氏業萬子孫其永保之鄱陽周伯琦
敬書

古五老圖譜故宋楊誠齋范石湖諸名公題跋另有集
卷不列于此後學朱德潤拜手敬書

存復齋文集卷之七

李伯時二疏齋贊

妙哉龍眠儀彼公卿圖餞二疏還歸其鄉漢嗣中哀誰其曾孫
霍也無術宣也少恩匪躬之節孰不君親位高爰博謗生禍臻
弗有退也胡知其榮南金帝錫車益幢旌進則師傅退則士子
我祿我親未偕甘美

伏觀明仁殿書舜歌南風詩賜功德副使臣旦小臣朱德
潤拜手稽首贊曰

於昭聖皇奎文玉章宸思睿造鳳翥龍驤南風之詩嗣舜重光
克念克敬盡美大韶書賜臣旦俾示在朝有協皇猷庶事孔昭
解溫阜財用康乂民懷而欣若時南薰凡我臣子欽哉聖文
湯先生碧山圖贊

碧山隆：有吳之墟松柏歲晚草樹春敷流泉噴薄浮雲捲舒
胚暉太古抱質凝秀如行之端方材之茂我聖仲尼比仁者壽
丁晉公畫像贊

色清以愉形堅而履其遇也衮衣華章其降也幅巾布襦其榮
也刻玉天書其粹也禪悅道腴方其玉堂中書不知為堦雷道
之啓途及其一紀之紆然後知否泰交極而反覆天道之盈虛
者乎

太極圖贊

道原于天無極太極陽奇陰偶聖用作易惟子周子厥圖是究
象帝之先無聲無臭三材既立人稟獨秀有物有則厥脩在懋
萬理一貫推心之靈秉彝好德罔或不承仁焉生物隨類賦形
稟異欲蔽克復唯誠天高地下嶽峙川流希賢作繪用贊大猷

韓克莊侍郎賀蘭山圖贊

賀蘭之山大河之西毓秀孕靈演發天機我韓大夫風雲之姿
江湖氣誼月露襟期材為國禎學則民師用作斯圖品物象儀

貞觀西域圖贊

惟王建國辨方正位內撫中夏外綏四夷在唐貞觀房杜迭用
遠夷來庭西域效貢乃命材臣圖其形記彼風土方物攸呈
自茲迄今八百餘祀宏矣大元覆天無際懷柔百蠻莫不來王
小共大共山梯海航東盡玄菟西逾越裳南金柁天象蕊琳琅
昔效貢職今入玉賦昔為外臣今則內附聲教所被遠邁漢唐
儒臣奉職翰墨流芳觀畫思古文物至今萬方一統萬古一心
蒸繪大猷金石莫堅黼黻丹青帝宬萬年

雪鍾馗圖贊

天同雲雲紛：敬鍾道降福神辟百邪靜乾坤屢豐年樂萬民

吳仲常太守德政碑贊

封建既遠列郡置牧漢稱蠶黃文翁興蜀教民耕桑衣食用足
爰脩禮義用厚風俗衍：吳侯古訓是勗恕以容衆勤以惜陰
不苛不猛不驕不矜豈弟君子實獲我心

跋蘓武還漢圖

蘓子卿仗大節歸漢葉水心謂馬沒實駒所以官至典屬國德
潤觀古考績功疑惟重惜乎漢不如古

跋王儀伯尚書案后

可以真之岩壑可以用之岩廊其將接風雲薄日月又奚必問
其枯柏豫章固將因筆墨以發其光

跋讀碑圖

智可以絕人而不見其智者謂之大智彼楊脩知此乎嘆息而
書其黃絹辭後併戒夫機鋒之凌人者

跋糜光祿世譜

糜氏世顯于宋自政和至嘉熙金紫炫耀可謂榮矣六傳而益
貴獨惜說言危論及于先儒二蘓之于程氏蓋有未之知也故
嘉祐治平之間老成渾厚之俗未替士子一言不合遂有蜀洛
之分以至紹聖崇寧間遂為君子之厄可不慎哉糜氏既為吳
中故族七世尚以廉吏稱而僕先曾大父與顏先生堯煥同年
之日蓋嘗述糜氏之出處所謂南山翁事實是也

跋司馬溫公于范忠宣手帖上書通鑑景

司馬公通鑑編年一交班馬曰史之習而國家興衰生民休戚
善可為法惡可為戒者備此書矣故以事繫月以月繫年而不

以日或以年不以月者蓋週歲之中記事之要摠為一編而君臣父子之是非得失互見使人得便觀覽者春秋之義例焉此葉標題晉永昌元年之事是年王敦還鎮元帝崩此江左立國之一交也故公不得手書之范忠宣與公繼居相位今獲觀二公手筆于一紙豈勝幸哉

跋瀛海圖

渤海之東有岱輿圓嶠方壺瀛洲蓬萊五山其山不峙帝命禹疆使臣鰲十五以負之而龍伯大人舉六鰲于一釣于是岱輿圓嶠失負而沉故山海經止云三山然世人莫得而至焉豈其山川遠絕風氣迥隔而是山或海中之一國耶不然何以曰四海之外猶齊州

跋鍾馗氏小妹圖

遼齋閑覽云宋皇祐中掘地得宋宗慤母墓誌刻石載其妹名鍾馗此鍾馗氏小妹之始見于簡錄也觀石恪所畫一年少婦人四女鬼相逐豈謂是耶其行筆老勁傳色妍麗猶有唐人遺韻故可賞也

跋雲海圖

山澤通氣昇而為雲天一生水環而為海君子學以致其道如雲之卷舒無窮如海之融會貫通可也海虞盛君以雲海自號勉為圖之且為之題云

跋王達善山水圖上

象外有象者人文也故河圖畫而乾坤位坎艮列而山水蒙以養正益作聖之功也故君子以果行育德象山山下出泉玉君達善求予作山川之象其突然而高窪然而深者山川之勢也

鬱然而青蒼然而蒼者山川之氣也其所以高深而青蒼者山川之理也惟理至微惟象至著僕既為作象矣不能喻之于理王君其必有自得焉

跋張南軒先生帖後

南軒先生平日以脩私室欲為真積工夫此帖美仲樞教授推予德華漢陽闕為能明義利之分又復願其克此志以達于事業誠可為世教之良訓也

蘭亭叙跋

蘭亭蘭亭既入昭陵而歐虞褚薛馮趙諸葛之流摹本盛傳于世蓋雙鉤雙榻與真蹟不差毫厘而少韻耳今觀此本風韻超邁非鈎非榻乃當時對臨真蹟其轉摺向背真褚河南筆意宜未南宮鑒賞為書家之墨寶也

跋馬遠畫瀟湘八景

瀟湘八景圖始自宋文臣宋迪南渡後諸名手更相彷彿此卷乃宋淳熙間院工馬遠所作觀其筆意清曠烟波浩渺使人有懷楚之思

松石村子贊

蒼松蟠白石坑：彼何人斯來盤坐柏堂長沙之賈抑魯山之元歲月云邁道阻且綿我思古人慨其永歎

跋徐孝子和傳後

孝乎徐氏子為人可難為割兩股而瘳二親假手于人則不可也躬捺刀則心忍焉為君臨陣身被數槍而人謂之忠者敵者傷之也忠孝一也或曰割股而瘳親：存已亡孰能養之况臨忍之際未必能果愈其親也嗚呼彼徐子者謂身存親亡昊天

罔極故寧有親而不有身也以為必如是彼者有所為而為也

山水圖跋

四極八柱河圖所經三河九江大禹攸疏仁者樂山以靜而壽
知者樂水以動而樂故君子以果行育德象山下出泉以返身
脩德象山上有水以懲忿窒欲象山下有澤以虛受人象山上
有澤書不盡言并著象意

書黃竹村漫景後

詩者志之所之也然非觸于情之所感不能見其志故嗟嘆咏
歌者由情感于物也是以此興生焉作製殊焉自三百篇以下
交為騷而為李陵蘊武之五言由五言而加七言則音節不外
是矣雖然作製有限而物情無窮六曰得天理民彝之正者為
美豈徒月露風雲之辭而已今觀黃君叔用漫景真有續風騷

之雅製者因書以歸之

強山人小像贊

若有人兮被羽衣蔭長松兮棲蓬一琴一鶴兮蒼頭肩隨揚
乎自得表：乎丰姿益將冠冕而習禮儀予有美材兮不見
知鉢心雅學兮方有為躡青雲以為期

題朱元暉集畫冊

畫者畫也畫者畫也自奇耦而成象在天為日月星辰在地為
山川草木古人識之于圖書所以俯仰觀俯察之驗其流為象
形寫貌則六高人逸士之托興爾若唐之王維鄭虔宋之燕肅
李公麟輩皆以明經博學之餘濡毫象物又豈茲函越鐫之比
耶

溥泉圖贊

維天至大惟聖則焉五德比象溥溥淵泉周遍其積靜深其源
言則民信動為民先至聖之德如天如淵至誠之道其淵其天
欽哉古訓繪畫莫傳凡此後學敢告勉旃

石岩恭政山水圖贊

周官六計廉善敬能考治居上臨民政成肅之道公直哉惟清
謹持憲度百司是懲入贊大机式佐阿衡千載丹青用垂令名

買道寧山水圖贊

易奇耦也禮敬也春秋王法也書訓誥也詩風化也五經一理
也六藝一教也道之寄也寧者安之謂也乾行艮止岳峙川流
尤為道寧之至善言不盡意記之畫圖

題高彥敬尚書雲山圖

高侯以文章政事之餘作山水樹石落筆便見雲烟瀟灑之象

真所謂品格高而韻度出人意表者也

題王恭政贈畫士俞伯澄序後

河圖象數人文一畫教以教生象以象物日月旌旗山川鼎彝
垂裳作服五彩彰施貴為尊禮列為民章惠此後世以協綱常
勗哉伯澄肖形是圖惟理惟一為形萬殊外形內性丹青豈撫
進脩在學俾復厥初

題宋思陵書東坡二詩

古宋思陵書東坡先生人參地黃二詩筆意遒勁有鍾繇波法
比楊后坤寧殿書則柔婉不侔矣書此以俟知者

跋大星記

至正四年秋進士普頌治安李一初丁誠之俱以去官自金陵
同舟過丹陽道經竹篠鎮夜二鼓有暴客拿舟而未欲襲奪三

君子之舟且行且避相持甚急呼兩岸居人不應呼鄰舟人不應乃籲天而俾僕夫持御侮具敬項有神光如大星降及蓬桅復翔而起照耀如白日于是暴客驚栗而退嗟夫其亦危矣當其呼內呼鄰舟人不應亦予匍匐將入井之時也而呼人舟人獨無惻隱之心乎至此而神光獨下臨又是天之陰陽下民而敷祐下民者未嘗斯須不在也而人心之天乃蔽于習俗之弊而忘其同類相息豈不為禮教之所闕與若夫星官之三階九列太微攝提之屬帝卯者百二十四可名者百二十其昇与降弗暇究矣姑書此以歎夫世道人心之不復古焉

題成性齋

成性者天理本然之善也人生而與物接則情生焉情生則欲隨而至物欲蔽則天理虧矣故君子必當省察克治所以存其

所存而復其天理之善也故易曰成性存之道義之門孟子曰

跋黃子文詩卷後

自漆書編簡之製廢而筆毛書字尤便紀錄上而誥命下而箋表章奏與夫紀言紀事之史民風歌謠之詞莫不皆藉模寫以傳于世其書法則自二篆迄為隸為分為楷為草草行書漢晉以下代不乏人然學書者不得佳筆則六臨楮澆墨杆格而不勝虎林黃子文擇充製筆間嘗試之難不如古人用筆意得夫齊圓健之全然轉摺向背八法具存六足為賞音之雅稱也因書以歸之

起藝圃贊

淵波浩瀚山木騰騫春雷奮起頭角嶄然發為祥風吸為甘雨

陽德正中施澤九土

跋明皇幸蜀圖

天下無事忠臣之言輕于鴻毛視大盜亦如草芥及齊亂皆謀臣健將竭天下之力而不能救然後知非言之輕聽之者輕也明皇之不聽張九齡而致祿山禍者蓋輕聽也噫玄宗聰明之主也使重其聽乘輿恐無西幸而斯圖或不見畫于後人也

祭呂梁洪文

維至治二年四月二十九日朱德潤舟次呂梁謹以壺酒鴈肉敢告于洪之神曰昔在大禹奠民九州九河既導為梁為舟曷斯呂洪蘄然其石舟不並行百夫告尔河伯尔司厥中于皇天朝水土事寧貢賦萬邦靡舟不經神之聽之石則在山鞭石夷險舟載不艱醴酒有肉敢告河伯匪則我舟萬民是福屢力

祭太尉潘王文

維泰定二年五月己酉朔越十五日癸亥門士某等謹以元醴少牢崇盛庶品敬祭于推忠撥義協謀佐運功臣開府儀同三司太尉上柱國駙馬都尉潘王之靈曰嗚呼推靈帝甥帝婿貴宗世爵富有國位生為功臣歿有廟祀英姿傑特出于人表忠烈義勇本乎天性粵自世祖神武皇帝經營四方赫々皇々中土既平無遠弗届無人不將于時先王挈國內附相平遠荒爰降帝女武配于京萬生賢王克孝克勤至元庚寅哈丹駭師塞于東疆王年十六實奮厥武凌險突圍來朝于廷請師靖亂亮醜則平帝曰庶績錫第于都作藩于邦伴尚帝女世爵其降丁未之歲翊贊仁宗定祭卽內殛除姦孽以扶武皇遂拜師傅增封潘陽仁宗嗣位念茲成功復加大尉顯々令聞聿昭先世三

韓之民式入式康貽厥孫子用保其疆惟王之生益亦勤苦跋
涉世途東西北南靡所定處後播西裔或顛其趾及未再期竟
至于仆嗚呼哀哉初以榮名如月必虧既讓爵位將順將遠胡
為纖夷竟至于路天奪斯人俾貽後憂凡我門士如凝如頌有
壹于懷有淚如洗茫茫逝川匪晝匪夜豈伊降神降天惟嶽潔
牲粢盛有醴老鬱靈其未歆以慰懷德

祭呂仲山縣尉

嗚呼天理之冥：吾不得而知天理之昭：吾將以為期謂仁
者壽而善人是富則仲山何遽止于斯仲山之生少也孤特長
而聰敏粹然其安行不違乎繩墨言則慎于樞機克孝而謹好
學而思方一命之初拜將奉親以為怡胡纖疾之弗起俾吾儕
之見疑三沃而慟漉酒明齋上為鄰里悼下以哭我私嗚乎哀

哉

祭王村能參政文

嗚呼王公名節始終濟時之材有德有言弗貳弗猜歷任牧伯
民教而安緝之以威濟之以寬公之去官民由攀轅曰帝有命
我公是宣公即他郡誰撫我顛頤公在憲庶敢暴茲既涉臺端
靜默以治弗猛弗剛式勸有位及贊省垣有欲賦府重役其民
公曰民未官賦有常既輸既貢奚其多章致詞告老方期永年
胡為纖疾永別下泉惟孝有子惟忠有世清白傳家公逝弗死
祭鄭信卿左丞文

嗚呼維公偉器夙成清規自勉有文不燁素于為絢當延祐之
隆平藹蟬聯之冠冕公曰侍于紫壇屢承恩于清宴當春頌之
優渥亦承机而投諫賜金盃之錯落榮錦衣之煥爛方彤弓之

錫慶俄鼎湖之節志既拜命而佐省又司糾于風憲治不辭而
吏敢賞不濫而民勸嗟小子之辱識陪儒臣而進見公拭目以
憐材每當朝而冀薦念江城之寥落颯悲風于原甸聞公訃而
嚙獨嗟逝川之不返慟衷情之一哀愴臨風而三奠

祭柯敬仲博士文

嗚呼敬仲止于斯耶謂義分難以固守而假之以權吾不知莽
者何利以及衆姓謂智力可以必就而濟之以寬吾不知蒼
者何明以鑒四方諒天道之難謀識盈虧之有常或析圭倍
爵于席寵或離疏粹屬而享膏粱審用舍之有節知窮達之難
量敬仲之沒冒為使予悲傷當延祐之六禩予扶冊而觀光同
君游于京國咸弄翰而翱翔及至治之末紀又同歸于江鄉云
與咲談今古狎弄杯觴米家畫舫柯氏祕藏發絨韻于什襲探

古雅于莫衰予既晦于林泉君竟躋于帝旁際天曆之景運侍
清宴於奎章金馬石渠圖書之府商彝周鼎宣室齋房念前席
之方隆遽為節之遺良遂息駕于東吳迨終老乎耕桑俄而如
壩如櫛爰求于倉將經營其歲暮何一疾而弗康改助昕于桑
榆迫靈辰于大荒豈期交出意外事返康莊得非義分有限而
智力有竭遂禘魂于幽堂嗚呼固真為元吾聞于楊蔭身于終
吾聞于亢倉天迴地游風高日涼靈有楚而謳有緇姐有有而
壺有漿慟衷情于千古魂彷彿而未饗

至治元年夏舟過彭城有樹而丘者咸稱為亞父冢因奠
之酒而陳其詞曰

人臣享榮名于當世有微勞而功稱胡丈夫之執羈絏終竭力
而無成固天命之有在悔數目之弗聽苟當時或怡于斯旨吾

不知曷智其良平豈項氏之非君抑丈夫之數奇夫豈不知言之不用後世謂事二君者為何為故寧先地下而待項弗聊生而漢師慨英靈其萬古茲傑士之所悲踴高原以張望酒三爵而風淒

代諸生祭陳寧極先生

嗚呼先生粹德之清吳邦之英學究遠古心傳至誠講貫之切字畫之精左面右書至老益幼念昔髫髻橫經座隅共盥正席禮學之初洒掃振衽先生之居朝夕獲誨言論孔敷勉之循之作我範執義為師生情若父子先生既往我徒孰倚尊盥在前有泪如洗臨風三奠先生以起

祭亡弟方山處士

維至正四年歲在甲申十一月丁亥朔越十五日辛丑長兄朱

某等謹以清酌庶羞致祭于亡弟方山之靈曰嗚呼昔我朱氏自淮徂江未寄于吳歷世有傳克嗣儒業爾之早歲忽慕老子勉之循之若儒家嗣二師既往爾宜歸旋矣念舊德守虛弗迂遂罹禍橫切于爾身疇昔之旦予六語汝岩壙翻覆豈可容足汝竟不悔遂罹顛踣今汝既往衆人咨嗟衆人伊何我哀寔多念昔垂髫同居膝下父母之心同氣均育怡之鵠原靡有抵牾貧賤憂戚保茲外禦方期白首徵以為宴豈期永別將歿之夜汝言不忘今以少子使嗣汝後春秋祭享未敢其祀爾靈在堂歲莖有時仲月壬寅寔寔屆期舉爾靈柩往陽山西有有在庭有酒在卮靈其未饗慰我幽思

壙祭文

嗚呼同氣之生一奉三枝昔歲之夏既折其一今茲冬辰爾又

棄去四十八年生為吾弟詩書之澤尤藉雋永豈期永別嗚呼
蒼天誰無兄弟如手足友恭之義怡之情念茲痛割有泪
如傾爾靈既未爾柩在壙酒有具陳祭奠有助考妣在山嗣續
在下鬱佳城西南其戶爾其安之以永斯墓嗚呼哀哉

重建天王堂疏

天王堂居于城西北六百餘年勾吳地為甲郡南東十萬戶眾
往來瞻仰遠近咨嗟謂古跡雖存但有頽垣壞圮待新功重建
須還列棟飛甍要者金甲裴嚴必藉青垓用度敢求眾力同結
勝緣願神靈陰相一方祝天子聖躬萬壽

河西僧惠廣住觀音庵疏

觀音庵在府治之北垣慈悲顯相舍利如來國都西夏歡喜住
持豈曰難園耶資土苑然菩薩之晨香夕火與伊蒲之朝齋暮

益仰叩檀那同結因果况鳩埏壞壁蛛網顏梁白衣相雖不染
塵青蓮座亦皆塗地開棧椎疏實望信人了粥飯緣共成勝事

馬清風道人結屋疏

蓬萊別館創業猶駐景之難鉛汞丹爐脩道必避喧之所青山
雲水此地吾家石洞烟霞當時舊隱然則荒臺壞址豈可容身
要看植柱構樑使須着力幻出一時佳境永傳萬古清風願苑
士相與樂成使道人恬然穩任今日貨泉為寶地共結勝緣他
年瓦礫是黃金同歸大道

請諸儒文會啟

茲以勾吳江左之甲郡古有三讓之遺風曲禮天下之一經時
書六行以比德官師雖具以大典鄉人合講其常儀郁乎三
代之文實為有叙濟乎一城之眾豈曰無人式厚士風請教

父會蓋聞朝以爵貴卿以齒先非高年無以達尊非厚德無以服衆非醴酒無以致敬非具饌無以合歡宜就月初請泛衆約尊卑禮讓長幼叙陳有小善則相勉其行有微過則衆正其失講經論史庶流千載之淳風酌酒賦詩聊舉一時之盛事願聞禮式用列會儀

謝元廟子忠御史薦啟

某啓竊以遷選在省部式嘗用于賢材薦章出憲臺爰下錄于賤士過蒙褒獎益重勤拳切念某學本荒疎材非器使自結髮受在三之教惟孝惟忠至成人知無二之誠采學采曾終年業槩粗知往史之詳積力簡編莫究全經之旨年踰五十竊位儒臺學漸四科功舉文翰自惟滿溢敢望遷陞再履獎裁抑深僥倖以益子忠御史相公以人倫為重以儒道為宗推賢尚能錄

不遺于小善拔茅連茹素嘗忘其鄙愚而某分已過隆材莫克用蒲柳之質難期老成鴛塞之材終漸遠到辱榆揚而增愧思補報之無方趙武子薦士六十人咸登庸于朝野崔祐甫除吏八百數尚異屬于銓衡謹奉啟以謝伏惟台詳俯賜鑒念不宣

寄王君實侍御書

德潤遐達半度將二十載遐想昔者陪言論于座末每辱溫存論以世故迨今思之感漱無已德潤自按山野之項非適時用遂甘分草野然每北望引領時有不能釋然于懷者思公文章器業清識雅望與年俱長而僕嘗荷堂下之知歲籥雖積能忘情乎德潤庸陋末學素無足道南歸以來饘粥之暇猶能勉強先儒已釘之經史已詳之典禮下迨遺文小錄亦不敢不究心然赫蹄之書非可以發揮盛旦之光華者比蒙以纂脩史事見

招然固思之京國人士所集其提綱舉要左右之士趨承教督其必有麟經筆削之旨集遷固所長之論紀三辰五星之文見志方嶽土守之沿革以成一代之盛典者矣又奚待末學然後備使令哉時康得遂草野之素志萬幸萬幸嚮仰之思臨風悵然伏冀以道自重即膺台鼎之寄不宣

寄克莊侍郎幹公

德潤去夏初在湖山拜別燕鴻南北倏焉隔歲星環北拱無遠不然與仰德慕義于千里之外者同爾茲者朝野晏清纂脩史事儒家戴白之老咸可望也總裁願指麟筆一王之法必有攸當欣羨欣羨昔者歐陽氏謂五代以還主盟中夏者雖不一姓而建國紀年則有殊例國臣雜傳則有殊例三辰五紀則各因其分野職方地圖則各因其疆域然而得失不常事亦隨變筆

削之士承教于左右者必有博聞遠識以成一代之盛典矣區區淺陋莫敢重辱薦言人便得賜寄示脫棄之萬一以祛愚惑尤見不棄德潤固守貧賤久無他望得賜遂志草野萬幸萬幸道尚書相公庶幹自持始終一節且不鄙貧賤故敢附字上達臨風悵然尚惟矜察紉繹之暇伏冀為國為民自愛以膺鼎滌不宣

寄邵菴虞先生

某賤違嚴範將二十載思在京邑日泛游于左右倦誨益而熟川飯星霜屢移如隔世然嚮仰之私當何如哉去歲楚石珠上人來吳且審体况康勝為慰某區區林守如昨自還家前數年間遭罹七喪憂虞備歷遂使素志俱違無復曩時適從之意某亦自知非適時用惟杜門強學凡出處窮達一聽于天而已將

復何為茲因張道經歷為其先大夫乞銘于文衡故持奉狀以詞台候從道昆季久寓吳下清貧晏然而奔走敬慕于門下之心久矣况其先大夫歷仕南北俱稱清白誠可稱鴻筆之標題者故敢借干楮墨若其潛德之美著于文章則與石不朽矣遂遠未涯恭昭伏冀順適以膺耆福不宣

上玉伯洪中丞書

某嘗讀蘓老泉上歐陽公書怪昔之賢者飢寒困窮之不勝以歸于人蓋謂唐韓昌黎也夫韓公豈好競于人者必有自矣愚聞古聖賢之所以立天下也自正心脩身而至于治家國亦曰誠而已矣曰教曰政所以明綱常之要者亦無非任賢而已傳曰湯執中立賢無方詩曰桓桓武王保有厥士予以四方以上世明良之會不過如此而天下治惜哉自秦壞先王之法上之

人養士之禮廢下之人奉公之道殊農工賈不能盡其業以供于官士不能盡其道以事其上或以術數或以幾辨異端紛紜之說以干時君而士之業卑矣雖董仲舒賈誼之賢亦上書闕廷愈進愈退唐人上書詣朝堂詣宰相時長史司馬以下將相得以自辟除而祿足以仁其家韓公負大賢之材而當世無以仁其家者誠不免飢寒困窮之節由是泝觀上世任賢之道豈非時降而使然耶蘓老泉當承平之日有山田百畝非凶歲可以無飢此古所謂獨善其身亦豈蘓公之願耶愚竊謂今之書生有山田百畝可得安耕而無飢乎則其競又有甚于曩時者矣士君子立身行道揚名後世蓋亦難矣推其本原誠信不立也先儒謂惟後漢清議為美然每觀李膺范滂以名流相高顯然將別白是非而竟錮一興貽笑後世蓋當時諸君子知名教

可貴而不知名教可重也知名教可貴而疏別流等不如重名
教而興賢材賢材興則流等知所慕矣又何是非別白之能間
哉切惟閣下負道德之聲名當權衡之要道能監前世之得失
審時事之興滯開誠布公舉賢任能不避小嫌不辭雜事施之
今日垂之後世此一時之機也故試論韓公蘓子之出處以及
乎上世誠身而天下治者惟閣下具察焉

上山堂院使

某奉違鈞範又逾歲籥北向馳情曷有弛日去冬聞除書到江
浙有宣政之首命某將謂克日可拜塵埃嘗屢候江濱竟無來
節乃知別有榮擢又不得接聆語心旌搖之愈深思仰春暄想
惟鈞候動履介福某杜門讀書無足云者南俗日薄惟自謹慎
爾伯帖木經歷去時已嘗奉書于左右想達鈞聽茲因尚書相

公赴京之任使中畧以奉狀尚書仕浙廉幹之績始終若一又
且不棄儒賤故得附羽言達鈞聽公暇想為國為民自愛言不
盡意伏冀鈞察不宣

存復齋文集卷之八

錢塘江樓晚眺

烟光凝遠野雁影逐還潮今古凭闌意夕陽紅未消

陳留二首

濟河通汶水遠樹逼陳留將相布衣極何須萬戶侯
古木撐頽岬奔流出遠灘廟謀開國後平易近民難

邂逅

邂逅得傾蓋江邊逢故人班荆無別話長記曲江春

雙松

雙松倚盤石風雨太山阿忽化蒼龍去參天節葉多

黃子文製筆

山人縛兔群曉踏南山雲兔置不脫穎製作中書君

晚春即事

柳絮飛春歸輕盈着處飛東風好收拾莫遣墜征衣
誰道林鶯老金衣薄更新春未復春去老却看鶯人
春睡倦不醒千難聲咽回百年心上事幾欲夢中來
柳絲綠十丈蘸水綠條鮮何事江邊客相過不繫船
春情撩客情離思每相索春去九垓外客行多少程

賈龔子敬先生十清詩

虞舜配五行文武加七絃作樂苟非聖一絲不敢懸無絃琴
落星一誤化突兀書窓前凍雲和墨汁容我筆如椽魄石硯
聖賢訓萬世蒙養猶不糝彼餐食萬錢安知蔬味淡藜藿盃
質當破新管簡宗勞前功何似憑青几箋詩論國風竹几書
杵凍雖受辛和羹非灌畦醉中醫寒玉未敢論醞雞釐笈水

學苦甘食淡不學

鼎食有餘憾磁瓶粥

鮮以克口腹脂以然膏油揚輝對黃卷終焉弗吞舟魚油燈
手斲茯苓根煉藥候丹光擁爐夜向子一氣回春陽楫柱火
十月寒氣肅編茅補陰漏青女莫散威初陽在林岫茅屋霜
團之荆扉月影轉如綫金夜深啟門坐清光滿長林柴門月

團扇古木自題

紈扇何皎潔團之無纖翳聊揮古木枝換却月中桂

秋林平遠扇圖

碧樹遠林杪西山爽氣浮微官抑何絆不及謝公遊

泊梁溪

輕篙掛簑笠野岬泊扁舟醉裏不成睡一天風雨秋

漁釣

林陰多宿雨，露密聚寒魚。野客忘漁釣，停橈盡讀書。

十四日泊安陵

廣川六百里，驛道上皇州。紫極星辰近，黃河日夜流。村明溪夕火，灘泊過年舟。明發乘車去，逢人說浪遊。

題撫琴士女

纖手柔荑，手為君理素琴。間作求凰操，早歲得知音。婉容更清歌，願結百年心。含情語夫子，莫待白頭吟。

誦書

笄年受傳訓，朝夕誦母儀。進御鐙鳴玉，婉順禮無違。雞鳴思勸戒，衿纓備行辭。千金聘窈窕，今古有班姬。

倦織

處女顏如花，懷春出庭戶。明粧落飛鳥，纖腰如束素。層城歡未

合城眉空惹，妬織成迴文。詩紗窓倦机杼。

佩巾

妾聞古貞女，委身期百年。白壁雖重寶，凜焉弗移天。秋風日夕至，班扇能久持。安得巾箱寵，貯妾黃金墜。

和龔子敬先生遊春韻

烹泉熱首酒，坐石得嘉賓。好鳥時鳴畫，幽花不放春。山遺今古事，詩著往來人。楚地龔夫子，諸生問津。

泊淮陰

淮泗分南北，西涼接滌陽。離雲樹晚索，水風涼。兩晉誰真相，三齊悞假王。虛名足自感，臨素寫秋塘。

遊吳江懷陸子順

昔同書畫舫，山水弄清輝。共泛澄江曲，相携竟日歸。雲鷗隨處

樂鷗鳥狎人飛黃鶴乘仙去青冥振羽衣

送谷罕同知之南雄

秋風吹岩谷客子持何之下有虎豹林上有猿猴枝懷器報明
主不畏路險蟻只愁羊腸曲世道不可夷

送吳思可平章朝京

徵車出鳳池几杖賜扶持朝野太平日功名全盛時掖垣資議
論樞府藉網維國本宜端固商山起未遲

贈黃竹村老儒畫梅竹

烟水野江渺丹陽度雪寒久憐梅淡泊先問竹平安夜月清詩
思春風彩筆端北未知已少歲莫欲彈冠

送周元禮任福州蒙古學正

九譯同文日三山貳教初且陳平塞榮莫講訓蒙書海近聞音

雜雲蒸雁字疎嶺梅官路柳惜別意何如

題唐明皇幸驪山圖

驪山西北高萬乘東南至霓旌蒼翠中閣道丹青裏憶昔上林
遊春寒多並雲羯鼓名花奴黃門催力士霓裳曲未終驚動漁
陽騎

對月

雲間一片月照我被素襟為持一樽酒聊成對月吟月雖不解
飲我來意自深喬松引長風吹作絲管音瑤光映几席六合清
沉：情寄物理暢萬古同心

讀書

憶初垂髫時讀書義微茫豈知禮法貴衣冠自虞唐歲月忽云
邁壯年無寸長幸逢堯舜君詭歌樂時康勞達固有命為學當

自強

山水圖詩呈解之昂御史

山川結靈根掌地秉陰竅神功自模範嶮岨起双嶠層巒倚天
開仰眇絕飛鳥嵐光交氣候草木通深窈東山吾舊游紙素記
行藁平生丘壑情藉此寫懷抱荆關竟已矣听說豈真好會當
躡丹梯共登天門道

立春

條風噓衆物初日映千山夜半天杓轉春澄地底還葭灰飛玉
律彩暎簇銀幡南極農祥正東郊收政頒土牛迎歲仗門貼寫
欄斑和氣存吾道人情屬大官每看時序屆更覺世情艱莫惜
杯中物歡酬一解顏

次方村淵先生自趙七歸城中韻

晨發趙七路郊務冒滕紀扁舟轉重灘棹激浪還泥村深難競
鳴時見出農耜楓林宿霽收茅屋炊烟起依稀遠江湖漸覺近
城市逢人問歸程舟子行且喜宿雨起新漲蕪葑沒秋水思倦
名利途醒心甘洗耳先生棄儒冠高蹈出鄉里優游吳楚間生
事丹砂裏壯年厭世紛歲莫少知己欲拂珊瑚竿東溟釣青鯉
學仙終難期世事那有已得錢耶問道垂老無妻子故人懷千
金豈念固窮士

二月廿日夜夢侍先妣

仲春忽已屆暖氣熨書房良宵獨無寐思親情懷傷夢寐見我
毋被服羅衣裳手憑古書按屬以養親方如生日又如久
別離一慟忽驚覺涕泪縱橫揮恨無返靈術聊慰九原思九原
不可作逝者長如斯

人生天地間生死何茫茫。死者不可返生者徒悲傷。朝菌與夕
蟪秋實與春芳轉世如夢寐念此理固常願求長生訣採藥尋
仙侶恐此復空言脩煉抑何補我生初無有此道不可語悲歡
隨情逐懷親心獨苦

伯勞捕雀詩寓太湖張君用林亭賦所見

長林松蘿交眾鳥鳴未息伯勞飛轉但徒翻掠寒棘微生六
陰毛羽空顏色蒼雀不驚猜飲啄共林隈風輕暮靜逼雀下
蒿萊側身奮一攫嗜血向寒灰嗟尔百勞鳥蠶口懷劍腹爾不
鷹其毛食彼同類肉我曹良君子勿蹈險人屋請作伯勞詩聊
以教薄俗

送馮海粟待制入京

人生百年間會面能幾何昔年送公去冰雪滿長河今年送公

去堤柳青婆娑春塘漾輕舸曉日生微波柔櫓數聲動遊子行
不歌愛隨征帆去思逐春流多落花粘空樽錯落金巨羅喉散
未足道且使朱顏脫

大鵬舉千里四海為盤渦六翮振天表天門高嵯峨安得上天
去為公駐羲和請照孤心丹未管雙鬢皤衆子不解此徒以測
海蠡我想古先哲言論取不磨物論自約雜天理終無他何當
附長楫相與扣絃歌

寓武林聞失火

九月五日夜抱衾方熟眠半夜聞傳呼巡官敲玉鞭連街報道
火援救喧爭先老兵驚訝烟焰上通天小桶漉滴水巨索相
鈎連健兒走掠奪負富分目前孰云可撲滅况非燎于原錢塘
輻輳地居處層樓巔板塼不隔尺萬家手可傳一遭天祿災樂

歲如去年明朝出閭巷行聽老翁言火患尚可延輪官憂酒錢
延祐六年九月廿二日渡揚子江

驅車丹陽麓津吏迎晚渡擊鼓動連艘楫急浪花舞水深蛟龍
蟄日落鷗鳥度金山二畔樓雙塔逾青嶽黃金鑄古像歲月逐
江流誰云限南北停橈歌壯遊

別後懷權贊善李仲思二宰

米：凌冬花夾道多荆菅駟車縮前轍我僕衣裳單良集既已
定敢辭行路難懷人在東南歲晏路滂：軒車未何晚寢睇登
噴吮蒼天難咫尺安得生羽翰幽居竟晨暮旅食惟加食夜寒
飄風穿水洄零露溥相思不得寐起舞影滿珊天垂四野靜落
月金團：

次韻陸友仁馬二首

鐘聲並言晨思枕底宿夢醒盥罷出庭戶衆木高亭：細雨綠漸
暗清颼滿中庭朱絲作還輟雅音誰我听安得附黃鶴携子凌
蒼冥
糠粃釀糟粕衆子醉未醒道義混薄俗荆榛繞閑亭不見仲山
甫夙夜憂玉庭不見相對夏歌第良可聽古人不可見默坐心
冥：

和虞先生榆林中秋對月

關前節候早秋半毳衣出牛羊散原隰漸告農務畢山空衆木
下棲鳥靜喧即日昏在牽牛魄月如晝白茫：現六合况敢事
一室仰觀浮雲交清暉易升沒執榮登前途秣馬俟明發
月高星藏光天靜四山出炊烟斂林壑群作向昏畢物情初無
干浮生自啾唧征途行復止鏡髮玄又白人生身抱器志老劍

在室百年生誰存一士死不歿兢：凌霜餘幽花當春發

大長公主府群花屏詩

夫城遺芳栽搖落及千年芙蓉發靚粧絕艷秋江邊臨風拂羅幃紅裳擁三千素抱拒霜負亭：赤城仙曾携一枝去生綃記餘妍夫容

四時各代謝茲花連月開微香挹晨露柔條迸春雷密葉蔽深紅蜀錦裁成堆妖柔垂無力倚架或徘徊剪伐去叢棘孤根當檻栽月計

葵花承朝露檀心獨傾陽小葉護根蒂豐稔奈春場飄如嵩山人被服黃羅裳芬芳隨炎颺院宇日正長及茲沒衰態桂接秋風涼黃葵

物性惡繁夥治花非美姿長藤纏高架小棘結叢低可愛不可

親蜂蜚詎能依諸侯悞蜂燧衰如傾周其既能紅照眼何用刺牽衣蓄薇

南山發新茶吐萼染猩紅滑葉硬有稜密蒂連芳叢層：初日下畝：陰壑中古澗馮幽碧疎林插松風長嘯盧徵君錦衣何彼穠山茶

秋高銀河馮碧宇淨如洗飛仙自天來幻作白茶蓋清香不自媚迥出山谷底盈：雙玉環婉立庭戶裏風霜非故林雨露結新意白茶

神人鍾離權煉魄棲瑤城偶逢呂岩子九轉丹功成為結八仙侶駕海渡銀潢羽衣既綿邈素魄有餘馨留貯玉皇案凡花不敢呈八仙

炎鴟轉庭廡梁燕引新雛綠錦布成陣紅葵舒錦襦傾陽見中

心開花當半株孤根發萬幹節序同榮枯強彼陌上桑永為秦
羅敷蜀葵

鳩啼穀雨歇翠綺織成林清香吹簾幙古佛布梵音天女散簪
荀韻薰人心歲庭安玉蕊錯落如貞琛坐者清霜落實結千
黃金梔子

天香薰衣裳國色醉沉瀛魁為花中王鹿出塵世界京華競慕
賞綉幘護春曉金瓶換新汲一朵貴無價論仙清平詞彩筆入
圖畫牡丹

兩餘鳴蜩歇眾綠鬱陰翳綃囊滅紅巾光焰當林麓映日蕊先
皎臨風葉如綴秋深薦紅實顆裂排皓齒迴應乘槎客天上得
先味石榴

退官陶靖節送酒白衣來黃花厭土色化為清白哉寒香當獨

酌晚節共徘徊籬邊無俗客爰下有餘醅九日百年醉一生能
幾迴白菊

次韻貢冲章學士題仙山圖

浮生三十餘失志墮塵劫南吳與北燕所歷如翻掌山中猿雀
期別路成榛莽瑶草霜未凋靈芝日應長久東王公御氣九
霄上縹緲星霞裾虛室絕華想欲送道無因寫此寄清曠

馮懷次賀伯京提舉韻

四時更代謝人事增束約百卉春已榮嚴霜秋復作孤身處世
間元氣鼓一橐心行既不悖俛仰終何忤凭闌獨回首微雲度
寒廓

門前官河水凍解春流急河流無停時客行六汲之物役豈有
程人情自相及請觀醉人歌感憶醒時法何時心無繫靜看山

雲入

古意

無益生齊東短髮沒双白有容不謾飾有志不輕就終日在閨
闈麻糸不紉繡一朝黃金聘去作齊王后自謂出世村寧知天
下醜黃金豈不貴更問齊王意聘德不聘容玉心肯同美恩礼
雖云厚或恐中道弃苟無双翟車寧死不求配
莫學秦羅敷悲淚陌上桑懷春奔士誘年壯已空房莫學霍里
妻治容當春愁良人遠行邁徒聞怨空篋孟光起不願舉按孰
眉齊妾請自求配願作梁鴻妻古人重內則自求恐非礼匪介
難伐柯妾心不得已蕩子恐薄倖責人或多忘願因良媒結請
真白璧雙

十二月臘日雪

雲寒氣高浮衾暖睡正熟兒童報雪飛咲我起不速欣躍不惧
寒中庭就盈掬對此乃自咲重裘肌生粟隨風正飄飄無声節
塵玉勿為一冷憚已欣田家卜湏更氣轉和化作雨声續雨声
亦消歇晴光在佳木天意竟周旋下有負民屋

石民瞻山圖

女媧鍊五色大塊補不牢至今西天首天近山常高差我蒼雲
表百鳥不敢巢仙人十二樓城關金宮堯下連丹砂并皓氣冲
寂寥似聞笙竽韻有客醉仙苑採芝者誰予霞冠赤霜袍手持
長年書邀我同遊邀我今胡不樂失志在蓬蒿思仙不得去作
圖謝塵囂終當訪王子跨鳳騰九霄

遊西山作

宛平佳山水歷々蟠心胸偶登群峰頂下瞰青蓮宮長松騰翠

蛟古磴安垂虹雲開扶輿氣翕忽如仙蹤我未方醉後遊覽徹
九重長肅出林杪振袂揚天風願同安期生携手凌昊穹

泛太湖訪友

扁舟去何所渺：太湖陰依：素梓村拍：枕寒淨飛雲入遐
睇鳥道橫青岑篙師戒勿渡柔櫓力不任我身雖骨立未肯折
壯心放船當中流浩歌激清音何當被宮錦再作峨眉吟

李宗攝窠石圖

高坡俯長流八月氣已肅疎林懸古藤脫葉下喬木終然抱高
節歲晏凜如玉及茲霜霰繁斧斤在空谷會令柱天闕偉耀驚
世目

為張疇齋承旨作仙山晚渡

十月之交朔風其飄我來自南于以遊遨清霜著喬森落葉洒

江臯野橋駕畧杓蒼石浴寒潮客子暮搭登深瀾上輕舸澄江
靜可渡不憚前山遙聞有列仙人煉玉遺丹青鳳音雖寂寞素
鶴可相招願尋長生道白日登雲霄

挽王立璋

喬：玉松軒矯：野鶴姿白眇親世交勁氣不肯卑平生博物
志妙列古鼎彝左右紛圖書及死乃獨歸人生真如寄薤露誠
易稀所貴在名節不與身同隳尊酒醉清魂我曹且勿悲川流
豈可挽逝者長如斯

題拙作小圖

碧山高陰冷老樹立突兀嵐光凝曉候隱見蒼林密空谷有佳
人胡寧欲行役
招提抱層宮欄楯出虛迥微：宿靄收轉見蒼林靜客子更何

之扶節躡雲登

題金奉禮所藏浮玉峰

玉京在天上城闕如銀山大璞不忍鑿流落于人間白帝六下
今豈敢泥一班曾分扶輿氣下照百鬼姦中堂畫屏三庭戶生
芝蘭瞻此英潤安寶如脫塵寰走也山澤癯姑焉集衣冠他年
學飛仙納此大寶冊

澤家書

鄉閭隔萬里執宗遠海東山川何寡鄜草木撼霜風中宗有兄
弟貽我書教封離別皆不道努力強吾宗回顧親舍下白雲正
重

壽安山呈拜相

嶽宗鎮下土降神生賢輔魏二千尋高偉作天一柱觸石起浮

雲濟民澆甘雨木茂鳥翔集溪深魚遊聚佳氣凝四時勝境環
百武行樂雖已衆陳迹歷可數仲尼登東山諸葛吟梁父人生
駒隙耳忠孝事明主曷以寫勳名丹青耀千古

為儀鳳山作

物靈不自顯鳳子在山極文章日益著律呂音相求山川何容
堯搖落閩河秋征雁度空碧烏鳥滿林丘仲尼久已往郊藪誰
能留行者太平日君臣協成周瑞世當一見孤鳴揚九州

為八扎御史作山水圖

岩隈松蘿交雨歇石燕舞客子重負戴攀石行偃倭山高蒼翠
凝蕭寺紺窠堵僧還白馬去此道竟千古臨溪兩三士退食未
與渡看雲忘心期恍若坐天姥明朝弄丹青我亦上天去
女媧眩五色天罅有誰補星辰西北轉泰華立山柱浮雲化甘

澤衆物各成務土厚草木蕃水落民居聚秋深關塞涼五穀苞
實吐刈我山下田何妨老農圃

黑谷東路山

高崗盤崔嵬白石落絕壑鳴泉咽古竇岩麓淨如削絢想融化
初元氣下磅礴山靈托奇範株脉下連絡大峰齊雲霄群嶠入
雲脚朱闌圍碧瓦隱見仙人宅良境不可負行將理芒屨

臨清渡呈馬伯庸學士

山迴岡巒似春色遍林莽途行者誰子負笈臨清渡草長歧路
勇荒榛夾長楚遠游將何之云尋孔文舉得非一鷄薦辱採漁
陽鼓昔晉初大夫公明耀今古為君用卡孤親仇不猜阻黜陟
在賢愚恩怨那足數此道久寂寥千載誰踵武

山阿

微雲拂林表日色在山阿中有求聘妾請為懷春歌商於老不
起凍嗣將如何說繁傳岩像那知非愛說由來出處難貴在名
不磨潔白事王室磊落無纖疵尚愧斗筭人持以測海蠶留侯
婦子懇太史疑匪他明哲既保身大節鶴嗟峨

葺先人舊廬

先人昔處世行義如魯黔哀年當薄俗歷此夏患深蔽戶隔風
雨高歌忘古今蔬食樂晨夕得暇良盍簪林頭置周易牖下莓
苔候臨文析疑義言論衆所欽皇天不少假悲風起長林

窮樓豈擇木高林羨鶯遷初無榮名慕偶逐世累牽蓬蒿澆屋
爰鳥雀羅庭前牙童置榻羨磁器聊具完清風拂簾幙白日照
前軒固窮難屈節守道樂自然好惡自譽毀敬止終無愆

和柯敬仲博士幽蘭詩

陽和遍岩谷，倚蘭發初芳。幽姿不自媚，隨風忽飄香。寧辭雨露
恩，感以歲月長。願隨郎官握，得上中書堂。不漸山澤姿，高貴比
金張。靈芝在宣室，豈獨懷沅湘。

孤根托山阿，吳葉留清芳。春花競紅紫，未敢並幽香。攀緣上喬
木，不及絲毫長。願結君子心，永為貯高堂。締彼金石交，辭君羅
綺張。雅道出岩谷，良時非楚湘。

晦巖詩贈僧了覺

古初涵鴻濛，群物本無象。神靈立四極，岩穴倚山障。陰晦宣靈
澤，冥深注泉決。人非金石堅，幻化那有相。名號偶相因，又作空
花妄。聊寫晦岩詩，山僧無別想。

送諸葛子熙還江西

晨起出林薄，上有反哺鳥。飛白復止啄，食當庭除返哺豈不

艱。念昔為童稚，三年免懷抱。膝下縫羅襦，飄飄諸葛子。來自長
安都，手打漢唐刻。賣錢供母需，未足盡甘旨。家貧聊待舖，母思
情何切。兒行猶在途，一朝萱堂慶。三月煩倚廬，我少失父母。念
此泪沾裾，君歸童回首。白雲滿山隅。

寫懷

江鄉五月雨，塵氣方鬱隆。軒窓面南開，瀟灑吾廬中。有志樂經
史，無心較窮通。雖彼名利途，交攻不相容。家給知禮義，非謂食
萬鍾。薄宦識衣冠，非待祿位崇。南俗尚富貴，此道非華風。君者
物候交歲晏，惟青松。

感古

神聖古立極，百王紹其傳。天理自開朗，人文互相宣。禮樂明教
化，淳風泝其源。方言雖異聽，南北同一天。親者固當厚，賢者義

所先麟鳳在郊藪草木增鮮妍春花與秋實代謝何相延俯仰
即今古神仙詎長年

和楊庶夫縣尹遊山詩韻

青山倚天高岷谷入胸真虎豹踞九閩無由閉岩扃企想矣哲
士寥落如晨星寒風健鳥翔暑雨吹魚腥竹枝交韶舞羯鼓如
震霆黃流渾浮源浮塵洋滄溟鳳去几千載蒼梧山更青

三爰詩

吾爰房與杜秉國之綱維吾爰元魯山水壁每自持吾爰李諤
仙豈特文與詩不奉宮內寵不受金閨羈眼底汾陽王所係唐
安危英材濟當世萬古聲光輝古人不可見默坐勞神思

題王大令書裙扇

曠哉王大令翰墨世無雙不通羊鳥程忘年交小郎小郎不知

客高居卧齋房客來亦不問徑造登欣林高張白練裙落筆騰
龍驤情真識趣妙技瘡知藝長字絕勝黃絹机心詎能忘高風
邈千載圖畫久傳芳

寒食日偕俞元明過城西劉月心家

出郭有佳興相携過驛亭風烟多物色花柳半郊坰廬井如棊
布山溪列畫屏麥畦高下綠竹樹淺深青訪隱喜人靜叩扉聞
篆馨相者青眼瘦深歎白雲局矮屋依荒塾橫窓瞰小汪兒童
欣有客几席布中庭握手論高致談玄試靜聽情真不約禮坐
久即忘形曉圃栽蔬菊山有鷹濁醴興懷成恍仰感日嘆飄零
笑語擯凡俗真誠見典型獨慙歌叩角誰与附脩螿倚石和衣
冷臨流醉眼醒重來恐寒落揖別更丁寧

雨中奉寄張清夫提學四十韻

蚤識文章貴謀生世業儒三年不志殺四海獨乘驢江左風流
在中原道義俱逸人居草野多士諳清都寡合誠非介長吟祇
自娛畫師丹腹古墨客紅田祖學苦人難識名高藝轉殊昂
悲野雀縮信轅駒曾見鳥為鳳能飛鼠化鴛忘年唯阮籍遠
泣似陶朱自昔談雷義潛名西范唯孤舟同漾處五紙定交書
高韻期松柏庸材愧檉櫂庭中間鸞鷲原上得離渠春雨折公
座寒塘沈氏居山空北海宇林迥郭熙面契密情逾淡言高聽
每孤俄承憐短褐勉使曳長裾學館員初備仙堦事忽諸闕門
虛象魏尺紙填鴻臚豈有焦黃鹿閑思洞腋烏空芳密啟薦猶
作伐山愚震悼天無色飄零地一隅鼎湖攀不及薊關意何殊
歸路素乾左幽情楚甸餘初經空應縣再遇晉公庠俯仰英雄
淚歡招懷慨徒大江流日月孤梗泛萍蕪劍冷饒蛟避舟行海

若驅丹心如可鑑黑首便當途只謁三公府何曾駟馬車終憐
市有虎豈為食無魚志大情難偶徒行跡未汗于今敬雅道自
古有康衢至治符三代淳風播九區士當隨義起貧不為囊虛
磊心仍壯逢行且舒乍送王太傅恥效漢相如黃絹綈還
好丹雞誓辜尺牋須詞候風雨飽專鱸莫

存復齋文集卷之九

過岳鄂王廟

汴宋南遷社稷憂忠魂應念國也羞錢塘千載英雄恨古木殘陽掩暮秋

丹陽道中聞雞

風雨司晨晦不休數聲啞屋南頭更闌興起即郭夢月落霜清處：秋

賈卿祥卿照磨飲酒詩

儀狄釀甘疏大禹灌夫使酒慢皇親先生都忘百拜禮但覺甕下長如春

酒量詩懷雙美具詩愁無酒竟如何百杯澆我肺腑熱始覺胸中相盪摩

昔人好酒名雖在死反萬劫誰能全我今悼昔復須飲翻恨不
生中古前
好客過門無酒飲及至有酒客不來世事相違每如此遇情詩
酒亦佳哉

贈戲紙呂生

玉肌勻膩粉初乾淡々空青印碧闌曉日長楊親賦就墨雲時
度玉鬪寒

羅文緝々染湘流中瑩晴空一段秋真問殺青千古事漆書應
讓管城侯

粉透楮標光疊々暗撒銀星研熟蠟興來一筆掃千張未惜牙
籤盈架榻

仙人杵就玄英汁爛凝雲母春膏濕試令毛穎掃雲烟即墨大

夫方侍立

十二月七日夜紀夢四絕

夢入仙家讀古書琳琅金薤篆文疎高陽科斗無人識爭似先

天未畫初

中夜神遊帝子鄉生騎丹鳳恣翱翔五雲低拂珠簾捲無數神

仙拱玉皇

白雲扶起碧闌杆中有仙人為我徵玉芝華滴流酥滑袖拂金

莖露未乾

琅玕筆上半林書瑪瑙盤釘紅珊瑚青童引步玉塔滑側身自

覺空踟躕

出郭

步出東臯隔市塵青山高下欲迎人行札有意開何晚野草無

名六自春

居庸關雪

山前龍帝構成臺山後神州斗極開雪意似憐天設險界高鋪
作白壁

重過彭城

誰云河廣不容舟急棹臨風渡晚潮却望彭城舊遊處黃樓碑
畔屋蕭蕭

次韻虞先生題曹霸馬

碧草秋深監牧西八方分隊展霜蹄玉花一入將軍畫塵世驥
黃不敢嘶

訪劉道士

山中道士誦黃庭石洞春深畫不局我欲臨池書筆陣對君摹

取換鷲經

雲林深處翠微多石室春深長薜蘿當代衣冠正高貴不須閑
誦米薇歌

贈江少卿四景圖

昔年同會醴泉君邂逅中即佐幕賓別後春風隔萬里獨憐醜
酒大江濱

競途赤日飛黃土高柳薰風長綠陰午夢醒來眠舟舫一篇書
對聖賢心

草閣荆扉松下居門前山色雨晴初青衣稚齒秋開牖好情龐
眉畫讀書

積雪滿開畫圖枯梢擎玉染村墟征鞍客子驅馳疾茅屋人
家閉塞初

題趙仲穆瀛海圖

玉觀仙臺紫霧高，昔騎丹鳳恣遊遨。双成不念吹笙侶，闔苑春深醉碧桃。

詠袁子方撫琴

山溜冷，遠樹稀。新晴禁碧雲低，秋風一曲胡笳怨。明月滿天烏夜啼。

陶淵明歸去來圖

甲子題年玩物華，門前栗里自桑麻。從他晉使書劉采，別有黃花處士家。

大明殿正旦口占

簌：冰霜曉未銷，雞人侵早戴紅綃。六宮簫鼓迎春旦，一簇衣冠賀歲朝。宝扇斜行金犖至，絲簾高捲翠烟飄。太平宰相先行。

酒盛禮應知絕百僚

賀張景亮知州致仕韵

角巾中婦里，舊儒冠宦輟。驅馳涉萬端，楊柳碧溪春。畫永梅花白雪夜，窓寒朝廷有道容。辭老田野無羈得，盡歡幸喜玉堂遺業在。安車留待後人看。

送劉德璋提點還宜興通真觀

通真仙觀欲凌虛，北谷先生畫隱居。玄鶴不歸華表柱，白雲長護紫泥書。銅棺已化人徒仰，鐵鎖高懸孰可舒。便欲束書陽羨路，青牛春晚又迴車。

題趙松雪江山萬里圖

平蕪烟水碧連天，南渡旌旗一葦先。澤國始知燕士馬，江山重識漢樓船。舉頭日近三千里，屈指書同六十年。文敏不忘前史。

意毫端留得畫圖傳

游梁溪暮歸

古樹呼風作雅音石梁溪渡景沉沉山橫宿靄曉晴薄人倚曲
闌秋思深潁水空遺黃鸝恨茂陵多感白頭吟樓遲莫厭歸來
曉明月驚鳥繞故林

簡蒙古松壑員外

紫垣分省過揚州毗佐人材孰與侔千里湖山當北拱半天星
斗近南樓泛容帷渥論時務經緯文章合廟謀相便須真作
相澄清先省浙江秋

和王維學治書韻

駒隙流光一鏡懸虛明直與綺窓連鑿開混沌知身外別有山
川在眼前蓬島秋深稽漢使桃源春暖避秦仙敬亭山色看如

畫熊枕園屏穩畫牀

送張仲舉赴集慶路學訓導

講帷秋冷坐經年賦裏班揚擬後先烏府早徵經學士鷺車當
薦廣文壇綠槐陰下朝成市白鷺洲邊晚放船莫訝金臺先隗
始梅花宜在公堂前

送趙季文任湖州錄判

萬里奉親官署近萱堂春早燕呢喃桃花紅似郎君馬楊柳青
于逆事移苔水漁舟烟浩渺何山書舍石巉巖莫思杜牧尋芳
晚剩有新詩寄一緘

俞元明參軍雪中以詩招飲就和韻時學士東泉魯公大

恭叔能王公御史子昭郭公同行

上方山頭雪迷路后湖橋上作行春湖光萬頃送歸棹山鳥一

聲如喚人靜樂可忘軒冕貴清游端勝綺羅塵人間今古誰能
賞詩思不如圖畫真

通波亭下水瀾漫雪積湖山不夜天鑑曲寒深宜買酒剡溪夜
半欲迴船澄清有志終何日落魄無成過壯年出郭便還非恃
懶雪寒書幌要高眠

送達兼善元帥赴浙東

伏波將士出鄞東夜斬鯨鯢碧海中帟帳夜寒雲蔽日雲旗催
曉浪翻風帆開鷁羽星白箭拂旄頭血點紅洗手便收歌凱
捷大文即作元功

題豫章山房

豫章材老色蒼天擁護山僧丈室前豈為法身同草木要驅塵
慮出風烟茶甌香篆晨齋後竹几蒲團夜榻邊獨有瀏陽歐學

士韻詩遙問不空禪

三月十八日卧病感懷

卧病兼旬忤物機夢遊蓬島欲心飛無方縮地憂行沒有意談
天畏是非流水點紅桃雨霽長林迸綠笋芽肥便須再約坡仙
去為覓還山舊羽衣

過魯橋

姬德衰微禮樂休八方征伐自諸侯春秋一字周公法雍徹三
家魯國夏遠岫北來雲杳野橋東匯水悠享年不得為盟
主孰與桓文霸業優

和李仲節詠落花韻

谷鶯啼老稚桑新粉褪紅消數晨輕逐曉風粘酒竿半和塵
土上車輪香隨流水千年恨影別殘陽几度春却憶當時訝光

睨山香一曲淚沾巾

次韻龔子敬先生題春申君廟

吳楚兵銷澤國秋誰營遺廟暮江頭草深殿址埋幢屐塵暗宮
牆畫冕流古像空遺人血食忠魂應念國包羞寄君千載聲名
重落日西風蘭杜洲

大明殿口占

翠戟珠璣擁玉墀重瞳光彩射采愚班齊高唱千官列表奏俄
通萬國辭寶鼎香濃簾影動彤庭春暖樂聲遲侍臣賜宴更衣
坐誰解簪花第一枝
絲竹聲傳鼓似雷寶裘馳象列三台從官緋紫束華入阿母旌
幢興聖未繡鳳鋪裯曠疊暖金龍纏柱宸屏開大官獻納豔梅
味獨有雙成捧玉杯

次韻李紫贈鑄工何生

千人萬人貌不同布鬚長眉侯與公何生始拂山人容鷲毛入
耳聞松風輕刀掠面過微雨快櫛理髮存藝工我冠未彈且婦
隱琵琶聲斷南來鴻

和虞先生題武當山張真人別業

嵐雨初晴綠樹新松蘿夾屋淨無塵洞花幽鳥時別野雀孤
雲日親紅霧半窓丹火候青山萬古百年人送君更覓方平
宅玄武門前作近隣

澧州謝氏義濟橋詩

渺：澧江極浦西澧陽公子濟人危枉梁駕海長如帶砥柱中
流屹不移榮馬已無朝涉患襄襄何用宿春期祀官司嶮皆王
事罷錫褒章耀海湄

登五華山次李公饒韻

淡日籠雲作畫陰，閑山行客上高岑。無窮宇宙千年事，有限光陰一寸心。鳥道高依青嶂險，猿啼長傍綠陰深。誰教羸氏居豐，鶴文武遺音恨至今。

送吳宗師南還頌香

維山白雀初辭駕，老子青牛早度關。龍袖捧香傳帝座，鳳城聯珮出仙班。玄風已振江湖外，大道常存天地間。曾拜累朝恩命重，肯忘忠報隱家山。

次韻王繼學參政四美人圖

金殿風微拾墜紅，題詩聊寄玉溝東。芳情有意隨流水，細字無心學斷鴻。別館乍涼霜透牖，長門深夜月移宮。才情偶爾成佳配，不道周南有國風。紅葉題詩

千金畫史托鉛華，難寫春心半縹霞。兩面秋波隨彩筆，一奩水影對鈿花。情憐曉月秦川雁，思逐昭陽漢樹鴉。不信雲間望夫石，解傳顏色到君家。對鏡寫真

輕裾長袖逐雲飄，欲托閑情一水遙。頭節不聞遺珮玦，迴車空聽咽笳蕭。鮫綃泪重驚秋雨，羅襪塵阻候潮腸。斷山陰王子敬，白頭書賦更蕭蕭。洛神

鳳釵雲髻綠重，生色羅衣並玉容。謾讀兵書禪漢策，且將眉黛畫吳峰。良人得意年俱少，往事添愁晚更濃。猶幸不隨銅雀曉，月朝歌舞雜莎蛩。二喬

題趙李文茶屋

地爐火暖石鼎新，竹窓矮屋翻晴雲。湖州紫笋蒙山珍，惠泉初沸蟹眼溫。蒼頭盧兒來閉門，一滴玉乳齒頰津。玉川且啜五六

碗陸羽何須三十文

天宮寺僧寅叔恭歲宋王元之詩因次韻

隔屋長松覆滿齋童年竹馬記頻來講堂經罷僧偷史京國人
歸袖惹埃古佛歲深花蠹鉄長廊春淨雨生苔塵緣未結東林
社禪榻留茶日暮迴

居庸霽雪詩呈拜相

雨露承恩徹九重曾經密雪上居庸黑雲捲地江湖立玉柱撐
天草木濃瑞象遠瞻連北闕尺書常擬報東封太平粉飾雖無
用青史千年在筆鋒

漢銅布符歌

建章前殿金鳳凰兵符五出單于降漢家明詔下雞鹿將軍夜
送呼韓王棘門驃騎多猛士酒酣擊劍頭效死征和丞相佐君

王從此合符兵不起霜風千年換陵谷銅秀土花青似玉班
只憶漢彤庭用夏那知交夷俗當時衝命出關中編鬚豈敢要
奇功平原射獸不擇肉印章千里空泥封

題張縣尹書業

太古有業而無書中古有書而不業先生一室方丈餘長編短
帙插棟高低樓已有肥遯意何必洗耳聆風瓢壁中科斗未可
知柱下周史真吾曹鳩未居之誰使勞不若梁上懸三刀

偕張清夫登道場何山用坡仙韻

松楸夾道雲迷麓細泉無聲走空谷捫蘿倚磴行轉緩百折峰
巒者未足鷓鴣泣雨山漫漫懸崖老樹蒼虬蟠登樓倚檻俯木
末漱泉汲澗分餘瀉老僧延坐話夙昔夜半談空屢前席自云
久是茲山主殿下長垣屢封植山頭碧瓦如連環曾聞仙客來

雲間猿驚鶴怨知幾許伊吾声断愁空山明朝烟雨開晴且折
花臨水春將半我亦歸山讀故書何必懷仙生浩歎

萬戶張侯德昭有經濟之材政事之暇留情圖史嘗出其
巖居仙人圖乃金時李東原所畫杜止軒為作蓬山行
書南江紱大書之僕因次韻其後云

巖居仙人壽莫測烏紗綠髮蓬萊客太乙青藜晝不燃雲和玉
琴徽轉白手探月窟龍珠唾作六經留石渠方今盛世宜出
治山澤千年生器車巖花搖風折不得我欲從之雲水隔道妙
真猶老子龍情閑不要莊周蝶人生會遇皆天然披圖玩史非
凡緣張君素有經濟術致君克舜承平年

題石崇錦障圖

洛陽金谷園中花雕玉為蘭綉為遮琉璃器多出珍饌瑪瑙街

長行細車椒屋塗香野歌舞曳珠珥翠籠輕紗珊瑚扶疎三四
尺玉羊貴戚爭豪華那知花被風雨妬古來山澤生龍蛇蟬娟
墜樓寶玦碎不惟亡身亡之家千年墓榭委陵谷月明夜半帝
驚鴉晉代君臣好華靡庶姓借踰從此始都城百雉古難堪錦
幃何緣五十里君不見衣不曳地慎夫人文帝戈綈風俗淳

張叅政所藏太真上馬圖

開元朝野時清明姚宋廟謀多輔成紫宸前殿焚錦繡花萼樓
高延弟兄那知暇豫生淫樂慢舞霓裳羽衣薄龍漿流禍入宮
牆野鹿銜花污簾箔春晴並轡曲江行回顧阿環嬌態生綉衣
珠綴如花後秦號椒房恩寵增宮中拜出錦棚兒兵滿漁陽人
未知九齡忠諫漫不首林甫養姦滋亂基翠華雜沓驚塵蒙劍
閣西迴渭水東王臣下微同列國從此藩鎮爭豪雄人生富貴

真迷塗傾城褒似無時無焉知寡欲成善治試問當年無逸圖

又驄馬滾塵圖

盛唐太僕王毛仲八坊分隊三花動當時畫馬祿曹韓尺素幻
出真龍種玉花照夜爭新妍一馬滾塵鬣尾鮮昂頭不受青絲
絡汗血鞭沙生畫烟翰林妙寫不減古名駒染出新毫素延祐
君王賞駿材金監賜帛開當寧時清處生驪駒何必漢朝稱
渥洼玉良幸勿真疑鬻一躍天衢千里沙

仙山圖為趙彥昭賦

控洞之山戴斗極疊嶂橫陳開碣石翠嶼丹燈互白昂復閣層
闌轉空碧碧桃花落笙声幽双成吹玉彩鸞詭跨鳳騰雲去無
跡清依啼斷層崖秋霞光隱映長在寰海苑隔烟靄舊游
仙侶謾招呼悞落人間幾千載吳爭越戰何可數束書欲問桃

源路畫圖空見避秦人隔水漁郎不相顧

贈張鍊師游京師

鍊師家住茅山宮玉泉為池翠雲繞丹成不隨笙鶴去酒酣擊
劍思燕趙古稱燕趙多義士京師貴官皆倒屣君今扶策遠尋
師聞道王公新奉旨黃金殿下拜天子絳節朝元從此始他年
雲外聽山呼茅山合在東封裏

次韻蘓昌齡求畫

先天未畫龍負圖後天既畫無成書人文肇開清濁判移山之
術母乃疎知君爰以愚公術收拾萬象開清虛一奉之石一勺
水疏鑿交態冰玉如紅雲紫霧梵王宅丹崖翠壁仙人居憶昔
神遊記閭闔天風駕雀飄衫裾悞落塵寰三十年吹笙旧侶誰
傳予江空歲莫知己少蘓仙忽作陽春壺嵩高玉屋竟何所便

欲呼君同結廬人生多能祗自苦魯質不若曾子與龜雉翳
君記取何如浮雲任卷舒

和趙季文感策吟

高堂風露生涼秋興未乘月登西樓社寬對客被短裘獨吹感
策驚群優移商換羽窮雕鏤瑩侯苑笙聲不侔梨園宮人清泪
叔昔聞此曲供玉侯金花玉管蒼鳳頭當筵叩亞和梁州緩急
應節如解牛清風席上寒颼颼關山葉落清渭流朝供暮奉何
時休歸來白屋書謾抽走謁高貴多請求撥刺鷺魚度寒秋山
空雀怨中夜愁時作低韵同羌詭趙公一聞能解憂先生作歌
君少留昔曾天上聆鏘球翁如鸞鳳鳴丹丘聽之不厭兩耳浮
便當携君跨双虬拂衣和曲卷天遊

詩畫送高三山還江西

廬陵老翁號三山卜擇雲水思神仙閨風玄圃定何所烟霧昏
忽迷晴川紅雲帝居我昔在蓬雀縹緲非人間早服還丹非九
轉虛心自赤髮自玄三山老翁記予說被髮振珮凌風前山空
無人衆木落蒼翠點滴衣爛斑却憶思凡下九天同列願笑不
肖言鑄辭泥墨供世好悞落塵世三千年

讀南史

梁宮夢覺中原春金甌一缺非天人賀蘭西歸宇文悟誰教解
甲解遣軍南方久事名教地翻覆波奴安足恃馮陽衆潰欲何
之壽陽城下無完器草即自失劉神茂徐玉那能說游語老翁
誰道薄心腸養成疾踵相于股繡旗夜繞臺城昏十萬兵燒司
馬門侯玉置酒散宮妓圖書東府俱烟塵天威可憎仍可忤相
東未暇勤君文上流骨肉自相殘蕭營西降作周輔太平玉燭

誰議之淮海長鯨授首遲客星夜半入翼軫俄見江陵著素衣
貞陽北入玉卽誤晉安不及玉琳頌金陵城關又新陳江水無
情日東注

存復齋文集卷之十

陪于思庸訓導登道山亭觀梅用坡仙韻

道山亭下梅花村坡仙作詩為招魂明姿照人隔寒水瘦影帶
月欺黃昏先生頗厭局齋冷持書晚約窺山園松風吹香清入
骨地爐烟銷酒初溫孤標已出羣卉上故遣雪意迷晴曦和羹
結子時較晚先傳春色來衡門天寒谷幽翠袖薄豈知青鳥能
傳言明晨看花重有約呼童掃石羅青樽

題趙學士畫牧馬圖

紫烟凝沙日色薄奚官挽繯行躑躅五馬追風振鬣高逸態飛
騰珠汗落方瞳紫焰耳卓錫昂頭顧前行且嘶驂駒真種忽殿
後獨立棹尾猶清奇君不聞路州別駕征西河于闐曉貢拳毛
騮曹韓畫圖李杜贊神物久去空文華吳興學士非畫師刻藤

繪出真龍安金鞍遊客爭快覩千金博取求新詩

除日

日行三百六十五今夕方除歲云暮人生憂樂百年期又見日
除當此度養和適情宜及時古今中壽七十稀自非金石不可
永刀圭誰保長生期彭宣老聃亦何之不須更作送窮詩客聞
此辭莫傷咨尊前且醉黃金卮

陪楊仲弘先生觀董羽畫江吏吹笛天龍夜降

黑雲冥冥江吏出暮泊孤舟夜吹笛在雨盲風動地未奔濤只
欲沉江國一聲吹罷關河黑亂石隨波山樹側雲端天矯見雙
龍水氣高寒星漸沒聞聲解意似相感一曲未終人聽寂吾聞
應乾龍在天潛鱗或躍藏深淵仙翁幻術偶驚世粉圖蕭瑟能
相傳請君急絃卷還客叟似欲言龍欲逆淮南赤日土欲焦祈

汝飛騰作甘澤

次韻林彥采賦小塑雙睡嬰

碧紗籠高天氣清枕肱睡熟誰家嬰兩家提孩各一態昂頭肥
腮肌骨明仰者欠伸聰欲醒俯者肉壓絲袖平胖唇脫乳睡涎
落殺紅淹眼春嬌生自離襁祿惡泥土况若塑就令人驚長安
美人好華侈臂環金彩嬌顏頰低呼玉孫扶金彈勿使窓外樓
禽鳴

十月初五日泊齊州飛虹橋

任城南畔長堤邊橋壓丈水如奔流聞官聚木不得過千艘街
尾拖双牽非時泄水法有禁閉梁夜閉防民姦日中市買群物
聚紅糴碧碗堆如山商人嗜利暮不散酒樓歌館相喧闐太平
風物知幾許耕桑處增炊烟明朝北上別旅叟持汗尊求

贈言欲圖豐稔真未暇為君寫作康衢篇

過保定阜城縣值雪

昔聞燕山雪花飛牛拳馬縮如蠅癩朔風漲天行欲仆相傳南
土令人疑平生強志決信史踏雪驅車百餘里寒夜燒冰過阜
城玉龍交戰銀河裏八紘九域皆漫漶山川有形持兩端象帝
之先不可辨脰暉而後吾方觀

觀內廐洗馬

黃雲灑雨沙場秋灘馬水平疑不流曉霜籠透蒼駝裘圍人浴
馬津水頭綠縹連錢雙驂驕日光射波脂膩浮青絲脫鞵黃金
鈎輕肥短刷濕未收三花剪髮平且柔紫雲駿氣將毋傳東蜀
斗豈馬羞蕊二豐草生林丘霜蹄胡為碧長楸振鬣一躍期
天遊

渡江逢故人况肩吾

金山西東波茫茫倒出八景涵瀟湘佳人久居天一方相思遙
隔水雲鄉欲絨雁足不可將天知離別人所傷故使特會江之
傍江之傍兮蘭若芳與君擬芳壽而康比及懷君歲月長良晤
款曲毋倉忙臨江解袂醉一觴男兒此志各已強解劍贈君生
光芒

宿張大使書齋晨起盡扇

關河月落星垂空怒蛟如雷窺帳中屋頭初日炎霧起坐想冰
雪撐心胸人間能消幾炎熱竹馬小兒成老翁百年事過只如
夢癡蠅著人欺睡濃素紈入手意蕭爽揮斥暑酷無餘蹤昔聞
吳華王太令我亦寫作雙長松他時愛畫不愛扇梧桐葉落生
秋風

頌王太卿瘦馬

渥注之水流房精下生飛黃取群英山川騰驥跡欲徧骨高肉
少空稜層毛焦髮安筋力薄紫焰尚烟双瞳明功成老將生廊
廟憶昔萬里同晨征俯嚙芻豆真可惜當年神駒兩斛力人生
少壯宜有用駉爾浮雲尚如昔短轅長策何時休駕車六轡非
馬謀葡萄喂肉關河杖猶堪一躍期天遊

頌織錦迴文圖

驪姬冶容世常有齊女無益沒双白美人聘德不聘容風雨春
花顏不久實生遠結陽臺歡蕙娘織作迴文版縱橫八百四十
字錦絲煥爛生餘妍一朝伉儷契復合萬蘿松柏相纏綿不似
漢宮辭輦後團扇班姬成弃捐古來君臣同一体臣作股肱元
首起安危協力共榮枯扶植邦家濟時美霍光竭忠扶漢室一

朝聽乘生疑似魏徵切諫事文皇忽聞碑仆停婚嗣放臣逐婦
固常有上世君臣不如此君不見梁鴻與缺起賤貧齊眉挈榼
敬如賓

讀書畫詩為高德進作

蒼頡鳥跡人文初下上有冊分典謨六經行天與道俱易後宣
尼授商瞿春秋諸子紛魯魚礼文脫畧淹中書國風正始惟關
雎夜窻明月聲伊吾林風蕭蕭露研朱欲探太極河出蜀先天
之天一字無

上元夜間有司括勘田糧并禁金玉甲寅歲作

東風凝寒之欲謝鳳曆初臨三五夜閉門寂暗塵生聞道宣
吟在官舍吾聞終歲食在農耕桑處隨春風東南疆界有程
限何須括勘勞農功古來礼制緣人情驕奢逾越有常刑世間

金玉衆所貴詭歌樂士民懷生晉天之下皆王土日中為市通
商賈四民衣食在勤生以法急之何所措弘羊一來人意殊愁
者已多歡者殊大人不問逃亡屋世事悠々爭可圖

為鄧靜春作幽谷圖

山深真々溪谷陰怪石突出當重林迴壑奔流石礪魄寒霧噴
薄浮輕岑猿猴飛攀山欲立懸崖老樹蒼鱗濕有客擔簦負長
笈欲行不行驢脚溢風吹征衣天欲暮旅館不逢前阻渡此際
遙知行路難却向今朝畫中覩

康知州幼子能作大字詩以慶之

康侯累世稱文儒佳兒今見唾成珠真々種德有顯報天與光
代文萬難如公此兒年弱冠高攀仙桂登雲衢只今已解作大
字英產不與常見俱古來賢哲繼者少公今壯歲兒勤書青雲

泰階垣若途坐者他日驤神駒

李圓嶠學士仙山圖

畫師昔為仙人招學仙論道有所遭酒酣下命管城子束縛萬
山歸鼠毫蒼崖丹谷隱雲嶠白沙翠竹連江阜山岩招提出古
寺新岍略杓橫輕舸林間數客坐揮塵手拍丹砂曳輕氍似聞
謫仙人隱居赤 高門開雙華表有路通九霄毛龍不來思君
切手揮玄雲泥生綃

張雷所道錄仙山圖

岱輿員嶠勃海東山臺唯觀金重々山根連絡不得時出沒屢
逐洪濤風帝命榮疆鞭巨螯力峙始作蓬萊宮翠板丹堦徹天
闕星經宿緯手可攀上有仙人邀我同盤桓便當送君服還丹
測身跨雀青雲間

雲山圖贈解之昂御史

蒼山何層層，白雲何英英。重溪匯九折，雲影隨風生。風生依巖
號，夜靜山崢嶸。山人醉卧不扃戶，曉騎翔鶴上青冥。

和李旅亭聽袁子方彈琴

塵氛襲人莫不息，成連先生家咫尺。玉琴自作松風吟，孰為鍾
子鑄黃金孫枝之桐，不合抱絲弦古音何浩。山之高子摩蒼
天水之深子漱重淵，我今聽心非聽聲。調高意會兩耳傾，雄朝
飛鳴未終曲，驚鳥夜啼天無色。老矣李侯知音客，携一樽浮
太白。

春暮感懷

辛夷花落芳林靜，啼鳩声乾雲欲暝。暖風吹雨綠陰生，梅子心
酸猶未醒。書窓睡思將無憑，故山幽夢青崢嶸。平生自有泉石

念寸祿無干何用名，董天富貴那足恃。厚祿未為身後計，破垣
發屋咲王涯。良弁勳名如脫屣。

題高彦敬尚書房山圖

高侯回紇長髯客，唾灑冰紈作秋色。山南山北風景殊，妙寫
能隨筆墨當時我。見漳陽圖疎林古寺秋，空窅黃蘆滿灘飛鳥
靜。屋后漁樵行逼仄，穎珠瑕玉久眩人。歎息此圖誰復識，清氣
滿堂千疊山。華岳高何峻極，昔也懸心徐省。即今日絨隨石
彭澤，只今世俗稱高侯。多愛青山白雲白，雲已去作飛雨貌
得中原一片石。

題洪谷子雲山圖

丹青古稱妙，山水興唐已。後筆墨分吳，毫項墨不兩。倫當時已
有高人論，老荆揮洒全。六法對山貌，得真山真蒼。頑倚天薄日

月壑谷隱見迷晨昏橋梁跨險堦石滑欲歸行人疲駿奔江南
久厭土風薄瞻此泰華融心神嶽宗秩禮自辨禹封高禘厚寐
不聞安民無功國有典秦皇漢武徒約大元聖德撫四海降
神左右甫及中興圖宏開八柱立生以壽域躋斯民太平粉飾
豈無士山能補袞終誰陳頌言學此獻明主圖書玉榮鑄皇墳
和李子繁烟江圖詩

瓜洲津頭三江拆郭城西望孤雲白鐵鎖沉江戰具銷風烟未
轉江流石紛成敗安足數血濺狂瀾洗陳跡憶初四海民奠
居鞭驅出蛇疏百脉大哉禹績世可仰千牛玉人胡德色

題張樗寮楷書公孫大娘舞劍器行

飛仙墮翻堆成山堂楷法留人間宜官無徒梁鶴往隱鋒藏
角尤為難大書五寸徑方丈字貴緊健力出腕八訣具金真足

高不學謾草鸚鵡嬌黃華老人在金國宋季獨數張樗寮以聞
高藝兩不下各抱地勢夸雄豪今觀張書勁且奇筆力欲抵三
軍師吳鈞斫斷怒蛟尾瘦竹折石迴風枝君不見使征西何須
野鷺論家雞

送李益齋之臨洮

綠陰滿京畿送子之臨洮臨洮何茫茫流出長城濠長城岸阻
玉關屹于闐葱嶺河涼高羗氏兒郎走帶箭哀笳風起斗擊刁
良人西征二三載寶幢車馬聲塵遙如今不用酒泉郡豈必坐
使朱顏凋葡萄首菖味雖美異方土俗殊鄉里避地猶當似管
寧受封應得論箕子願從列騎擁旌旄歸未憚處華堂裏却話
人情翻掌難曾范征袍淚如洗

王編脩遠遊西山海子

晴川低迴山蒼々，涵烟夾溪千里長。山腰澗曲細泉响，下激石竇為微瀟。枯梢挽風秋色裏，俯林落葉隨長江。林疎石露見茅屋，時有小徑通微茫。招提橫截翠微上，闌干九曲雲飛揚。自從束書離故鄉，脚頭青鞋走山梁。山川悠長日月速，躋攀分寸何能強。太原高人知我意，請裂紈素書滄浪。丹青不關名利眼，虎頭癡絕非王郎。百年有懷良可哂，還拂長松思道場。

居庸南口呈王繼學奉議諸公

秋山濛鴻林麓稀，行人思逐秋雲飛。崕高石滑東行遲，野花吹香錦鳩啼。懸崖丹磴路險巖，遠眺華髮親堂思。一官胡乃高句麗，去長就短物性違。人生出處各有時，昔為窮寇歲金閨。今作妖嬈倚門姿，畫眉強學丹青師。仙耶隱耶是與非，武陵何處桃花溪。漁郎思婦我焉歸，黃雞白酒山東西。

題袁伯長學士畫

漸之石維其高，宣澤布氣凌紫霄。雨餘氣清無秋毫，谷泉無風天籟號。老樹偃立吹寒梢，紛々客子征途遙。摩挲涉溪行乘槎，蓮花玉芝在山椒。久欲尋真不憚勞，蓬萊海闊翻雲濤。鳳笙和鳴王子喬，願一見之同遊遨。

春堤游予行

燕子社前春雨歇，碧堤芳草連天末。柳回青眼欲窺人，間關黃鳥初調舌。綠窓紅袖閉婬娟，誰家高樓入雲端。十二闌干憑欲遍，樓前蕩子馳金鞍。少年何必生遠圖，金張高貴無時無。即君解作凌雲賦，妾效文君當酒壚。只今功名論月俸，彎弓射策俱無用。十年回首別京華，莫遣春闈生曉夢。

題長江圖

布裘不塞長江津六朝文物東南分
天塹本無限投鞭偶爾欺符秦
舊經陳迹未足數中流擊楫終何人
青烟淡淮泗口白鳥翼瀟湘濱
我家世沛國少長吳淞墩本意事耕釣
悞罷楓林社鼓祈田神青裙老媪
饁漿出濁醪醉倒翁携孫竭末情
緒混塵俗畫扇為寫長江村
他時歸隱茅舍下太平鼓腹陶唐民

送王本中除翰林編脩

去年予未吳春水長新蒲
今予別我去風滿楊花路
楊花點衣船行水九疊風帆
四千里天地浮雲客寄身
人生聚散如樓塵拍手笑
歌兒女事前燭西窓
故人意黑頭便可中書
郎胡為飄登玉堂玉堂
故人或相問我今畫史非文章

和龔子敬題趙松雪書大洞經

大茅峰頭白雲屋石乳為漿玉為穀
去漢衣冠服野服方斛清泉洗心腹
許陽真人六幽居自小不讀人間書
黃庭黃素墨如漆遺迹尚在琅函儲
乾坤英氣彌山嶽笑我尋仙求晚學
倘逢仙人遊紫清玉局飛符為開拓
趙公書法真有神拓石鐫碑皆合作
他年山上訪遺經却笑當時銘瘞鶴

讀隋書煬帝平陳

廣通渠邊渭水流長安猛將懸兜
年陳即酣睡未知曉米石夜度江聲
秋韓擒不待賀若報呼浮蠻奴作鄉
導銅鉦一聲歌管闌望仙閣下旌旗
繞兵家女兒髮照人金井梧桐三墜
身血痕已汗青溪草遺恨空憐高使
君當時只道明良會三十年間轉頭
事江都未放錦帆回晉陽城內驚塵
起

謝王止善經歷徐復初知事送東陽酒

閉門讀書白晝長
落花飛絮何茫茫
問巷傳呼送酒至
曾府使君書兩行
醍醐滿甕泛新齋
琥珀激澗浮春光
葡萄馬乳未足貴
家人共喜開東陽
百錢杖頭那有此
金龜換飲聞知章
謫仙無人我何者
愧謝二老傳清香
羨久矣甘淡泊
側弁起舞舞澆愁
腸世間醒之那可
曉戒此沉酣車中
即

八月十五寓武林觀潮呈武良弼太守廉御史達宣差頌

仁甫邵文卿諸公

吳山吞海之水推越山枕江之流
泗兩山東環潮勢急海門一線如奔雷
初看積雪起平地頃刻玉羽橫江
未琉璃城闕森爛熳水晶臺榭高
崔嵬軍聲隱地促萬鼓銑騎奏夜
街双枝奔流直小瞿塘峽噴薄應
早灑激堆玉龍戰罷滄溟立平波
滉漾銀

舒開乾坤素籥秋色裏元氣一鼓天光迴人間此景真可玩再
俯落日傾金壘

為史玄圃作仙山圖詩

共上觸山柱折女媧補天鍊裂鍊成五色落人間
突立坤維起双闕蒼雲擁出金芙蓉扶輿氣結如飛龍
仙人樓觀五雲裏天雞曉唱山無風流臨結亭者誰
子藤蘿透扉窓檻啓瑤琴一曲松風鳴岩花靜落杯
盤裏世間物情如草露那須丹青點綉素昔督事業
俱黃土帛頭癡絕真何補

寄潘仁卿

古稱燕趙多慷慨走也少年曾北游
王公偉器在廊廟義士激烈多奇謀
千金一諾駟不及豈以微利欺朋儔
南來書生盡聰俊美言善誘成風流
車馬時過巷陌嗟日延青樓太行

只在坦途上陰晴翻覆無時休携書一咲出林薄渡江應問濟川舟

題金谷里末御史郭熙畫

雲送御史居幽燕每愛郭熙山更妍輞川無人詩畫遠熙也早
得營丘傳峰巒紫廻壑谷狀物象姿態秋毫顛松間野人行負
搭一嶺一咲真天然青林黯澹烟霧杪碧水濺撲重溪邊憶昔
山行芒屨履蒼巖拂面曾疑丹柵蘿薺盛不覺上廻嶺忽若升
中天白雲靄黧襟袂冷天風吹衣毛骨寒思凡一咲落塵世堵
桃再熟今年

德政碑

德政碑路傍立石高魏三傳是郡中賢太守三年秩滿人頌之
刻石道傍紀德政傍人見者或歔歔借問歔歔者誰予云是西

家鑄石兒去年官差鑄此石官司督工限十日工戶歛錢支半
工每年准備遭驅責城中書生無學俸但得錢多作好頌豈知
太守賢不賢但喜聚民米饋送德政碑磨不去勸君改作橋梁
柱乞與行人濟不通免使後來觀者疑其故

無祿員

無祿員倉場庫務稅課官尊卑品級有常調三年月日無俸錢
既無祿米充口食家有妻兒徒四壁冬來未免受飢寒聊取于
民資小力寧將貪汙受賍私不忠守廉家菜色貪心一萌何所
止轉作機關生巧抵臣聞古者設官職俸祿養身衣食備父母
妻兒感厚恩清白傳家勸子孫良史每書廉吏傳邑民常奉長
官尊國家厚德際天地祿養官曹有常例更祈恤養無祿人免
教饕餮取于民

外宅婦

外宅婦十人見者九人慕綠鬢輕盈珠翠粧金釧紅裳肌骨素
貧人偷眼不敢看問是誰家好宅眷聘求不識拜姑婢逐日綺
筵歌宛轉人云本是小家兒前年嫁作僧人妻僧人田多差役
少十年積蓄多財資寺傍買地作外宅別有旁門通巷陌朱樓
四面管絃聲黃金剩買嬌妹色鄰人借問小家主綠何嫁女為
僧婦小家主云聽我語老子平生有三女一女嫁與張家郎自
從嫁去減容光產業既微差役重官差日久守空林一女嫁與
縣小吏小吏得錢供日費上司前日有公差事力單微無所恃
小女嫁僧今兩秋金珠翠玉堆滿頭又有肥體克口腹我家破
屋改作樓外宅婦莫嗔妬庶官兒女冬夜布

富家鄰

富家鄰食缺衣單如鷓身自言本是儒家子家世凋零二十春
少時學得鍾王法長作書工傭倩人稱書好爭求寫日得千
錢歸養親一朝富室居鄰右構堂買屋栽花柳綠花紅子女
多欲廣宅居延好友不免令人相誘言書生此屋宜先售生云
屋乃父祖傳不恐賣之遂別遷由此富家生怨惡約連親友來
虧侮造言間諜激眾怒欲絕人間衣食路陰構亮人發禍机官
差橫役時赴貧士真表那可守妻兒對泣寒窓暮悔不早送
隣右言致使飢寒無處訴富家自喜姦謀遂密使里人相假貸
年深本利逐時登伯價准房猶不迨我聞古人一畝宮五家為
比常和雍歲時吉凶相慶弔何曾百屋容豪儂嗟哉聖王禮制
久不聞移風易俗寧無因寄語世間貧賤士莫羨富家同結隣

官買田

官買田買田憶從延祐年官出緡錢輸里正要買膏腴取上阡不問凶荒水旱歲納畝糧項石半農家無收里正償賣子賣妻俱足美每歲徵糧差好官米價官收仍助錢不是軍儲與官俸長寧寺內供齋慈寺僧食飽毳帽紅不知農耕水旱與荒凶里正陪糧家破蕩剝膚袒髓愁難窮普天之下皆王土賦稅輸官作編戶春秋祭祀宗廟中長寧僧飯真何補官買田臺不諫省不言不知堯湯水旱日曾課民糧几千石

水深圍

水深圍田疇蕩如湖陂圍佃水深所不立雖有木石將何施里正申官不允徵糧每歲歸倉廩稻糧無種長荒蒲民產陪償官始準今春水湧忽無津四分災作五分申問渠何故作此災府州伏熟成三分吏胥入鄉日旁午二分徵作陪官賦倘逢

人訴熟為荒破盡家資猶不補因此年怕官惱水深水俱不報東南民力日漸窮不願為農願為盜人生盜賊豈願為天生衣食官迫之水深償米或時稔陪糧無奈水深圍

前妻子

前妻子能說親母生時事母言我昔嫁來時公姑禱祝親祈嗣三年生得弟和兄公姑抱向牀頭睡提携飲哺不暫離短髮垂衣方五歲七歲延師教讀書十三便使學文藝年踰二十便求婚要使傳家奉宗祀豈知公姑年老各歸泉親母悲啼六等世父親不恣房憐孤再娶新人作妻子新人貌新巧語言綢繆勝似前妻恩私子為奴女為婢動輒鞭笞生楚痕三牲之養猶不足一日之間三反目後妻兒子衣綾羅前妻子女無布練前妻子女食藜菜後妻兒子羨多肉親故難言不肯聽但使巧言相

反覆世間此事古未有申生伯奇能悟君小則壞家法大則傷
天倫寄與人間官與民前妻子女重須親

存復齋文集附錄

有元儒學提舉朱德潤先生墓志銘

君諱德潤字澤民朱姓其先睢陽人九世祖貫宋朝議大夫兵
部郎中壽八十餘與杜祁公等為睢陽五老會有詩傳于世贈
司農少卿子孫因官江南遂著籍于吳焉司農之五世宋太學
錄大有學錄生宋祕書省檢閱文字應得祕書生變仕國朝為
長洲縣儒學教諭娶吉氏君之父母也君身長八尺秀異絕人
讀書一過輒能記每以詩文自喜善書札尤工畫山水人物有
古作者風天得也當延祐之末年十五游京師吳興趙文敏公
子昂薦之駙馬太尉潘玉以聞仁宗皇帝召見玉德殿命為應
奉翰林文字同知制誥兼國史院編脩官明年正月日食越三
日受朝君送潘玉再見上注視久之升一日宮中晏駕三月英

宗嗣位會藩王以忤中貴人斥外太皇太后命馳薊于鄣之天
童寺君遂與偕表授鎮東行中書省儒學提舉又明年二月大
雪上獵柳林駐壽安山以近臣言召見君獻雪獵賦累萬餘言
奇之國家用浮屠法集善書者以金泥寫梵書有旨命君綜其
事蓋旌其能書也及成而英廟陟配矣君語其友曰吾扶吾能
事兩朝而弗偶是宰物者不吾與也其歸飲三江水食吳門專
乎旦日買舟而南是時中朝賢公卿若康里文獻公子山蜀郡
虞文靖公伯生四明袁文清公伯長輩無不留之而君弗聽也
既歸杜門屏處討論經籍增益學業不求聞達垂三十年志譽
弥著至正十一年汝汴弗靖蔓及江淮郡縣多失守明年江浙
行中書省平章政事三旦八統兵東征起君為江浙行中書省
照磨官實恭軍謀君慨然曰四方震擾若此忍坐視乎遂出應

命進言于平章曰民不識兵將百年矣發生不虞宜以安集為
念凡擲兵未附者皆平民脅從註誤者請一切貸之庶免有濟
平章選之三軍用命出抗之鳳口而湖而廣德所指風靡不再
月而杭定郡二州三縣九鎮一者君之謀居多湖守一子被害
諸將欲殲其黨君力爭之止誅其渠初遣裨將韓邦彥取廣德
或言邦彥世戍其地父兄子弟黨寇未便平章屬君覘之君諭
以大義其人灑酒誓無他心還具白其情乃行遂下廣德出其
父而殺其兄弟焉江東人至今道其事既而君以選攝守長興
至州則市無一人乃郊召父老告之以其故仍印號給其民以
識別于寇且曰汝所怖者官軍爾佩此則官軍不汝犯于是毗
庶糜至未竟月籍戶得萬四千八百九十九居一載代者至稚
孝涕泣遮留之不得因以病免歸其後浙省兩試鄉貢士皆嘗

聘君不赴至正十五年歲次乙巳六月十七日微疾終于正寢
享年七十有二七月辛酉葬吳縣陽抱山之先塋次配于氏先
君卒子男四長曰元吉早亡次復吉逢吉蒙吉女一適陳復亨
六早世孫男二曰孝孫曰閔初君之大母施夫人疾亟其大
父祕書君卜窆于陽山之原施夫人夜夢一衣冠偉丈夫告云
勿奪吾宅吾且為夫人孫明日役者鑿地深可五尺得小石碑
刻曰太守陸君績之墓傍有小石刻曰此石爛人未掘石果新
矣祕書君隨命掩之而更卜焉施夫人復夢偉衣冠者曰載感
盛德吾直得為夫人孫矣是夜君生人以為厚德所致具見于
蜀虞公所撰吉宜人墓志君性果孝事親先意承志其父嘗疾
君憂恨鋒心一夕鬢斑白手治飲膳醫藥必嘗而後進居喪以
哀戚聞君固貧守義室如縣聲處之裕如游詠文藝有于報應

人服其精平生述作有存復齋集十卷予始識之吳興公坐上
及持節中外便道必會最後分省于吳日久屢與君劇論古今
成敗若守備施設之要如導江河如陳蕃彘習而有徵于是益
歎君有用世之學而不見用于時也復古能世其家具狀泣請
曰先子將屬鱗猶張目自言其出處之槩且曰汝必為我求吾
侍御公之文以圖不朽則九原無憾矣予與君交將五十年知
君者莫我若也永訣之托哀哉銘曰惜哉二字在復古之上
惟聖有言不試故藝懿茲朱君材良氣厲受知兩朝寵遇薦
被飛不盡翰隱然名世間出遺餘凋瘵以濟或晦或顯一有
以義索居食負有介其植彼哉灶脯孰憑孰智陸守在漢踐
履卓異曰孝曰貞君六何媿去之千年清淑復萃旁薄西問
屈信一氣曰予不信視此偉器勒銘墓門慰君之志

資政大夫江南諸道行御史臺侍御史鄱陽周伯琦撰
并書篆

贈朱澤民序

海粟老人馮子振

睢陽朱澤民青年甫二十而俊氣溢發一以古人為師詩師論
仙筆札師逸少畫則規矩出入李昭道父子之間吾留吳門一
日過鄧靜春所寓之屏澤民時為座中小異客俄出其長松怪
石大軸二自言前二三年手所濕絹也又三日以其新作一小
幅見貽山平水遠畫：通近前輩遠約靜春過其廬澤民欣然
以次第展其寒具不流之歲佳俗識真者少不足復怪獨恨澤
民生書生家嗜古之習甚深而古人格力是中不可多得使居
通都冠蓋之會長裾曳履走朱門大第得悉窺古人之大全大
小李將軍不足多也闔閭城故是大郡然大年小景片 缺裂

有月落烏啼江楓漁火之寒夜而無烟銷日出一聲款乃之滿
湘有香徑翠基玉釵金鏃之荒涼而無荊州雀澤呼鷹射雁之
感慨有包山洞庭滿林霜橘之點染而無離騷清絕澧蘭沅芷
之才情縱復雲岩眠松平地偃蹇裁一幹兩幹而止使澤民移
其極目千里之遠覽薄游八百里之松林豈但濃鬣老髯千霜
萬雪之道勁浩蕩胸次彼牛羊似草天蒼、野茫、之畫卷于
此提勒一盱固自瀟灑日月也予老矣因澤民好尚清致乃叙
吾所見以激發之士別三日便當刮目相待澤民寓家吳下能
以吾言小作參請此別三日已非吳下阿蒙矣况李將軍乎書
以為序

并附錄朱母吉宜人墓碣銘

征東行省儒學提舉朱德潤常為集言其母吉宜人之孝也祖

母施夫人甚愛之至元甲午十二月吉宜人將就館而施夫人疾病歎曰吾婦至孝天且賜之佳子吾必及見之既而疾且急治後事具大父卜地陽抱山之原使穿墻以為藏施夫人曰異哉吾夢衣冠偉丈夫來告云勿奪吾宅吾且為夫人孫既而役者治地深五尺許得石焉刻曰太守陸君績之墓別有刻石在傍曰此石爛人未換石果斷矣其祖命亟掩之而更卜兆施夫人又夢偉衣冠者復來曰感夫人盛德真得為夫人孫矣德潤生其大父字之曰順孫而施夫人沒人以為孝感所致吉宜人亦不惟婦道成于家也而又好施大德丙午之飢吳民多以子女易食者吉宜人聞其鄰之有此也脫簪珥易以歸而食之者數人及歲熟其人亦稍成大恣以歸其父母女子擇善良嫁之吉宜人又以其家之素送兵也嘗恐其子不事儒學則常誨之曰

惟朱氏睢陽五老兵部公之後門戶不輕矣非學其何以自立乎今德潤起家為提學使者稍足以慰宜人之志延祐丁巳之三月宜人沒而不及見今十有一年矣悲夫因又請曰大人亦知德潤之乎先生有一日之沒也命德潤曰盍圖爾母之不朽者乎敢以銘請吉宜人睢陽人其大父處仁故宋淮西兵馬提督官其父受始家于吳而宜人婦廷玉氏子四人德潤德寧德懋德玄女 人銘曰

積善在門有子孔文不延其所以待吉逢吁嗟乎幽宮

奉訓大夫祕書少監蜀虞集撰文

中議大夫祕書太監康里巒書丹

中奉大夫嶺北湖南道肅政廉訪使鄧文原篆額


并附仲子復吉季子蒙吉始末

仲子復吉字仲陽少穎悟書無不讀善屬文尤邃于詩元由科目授湖州路學錄國初為翰林典籍太祖皇帝命廷臣編製律令學士危太朴素重公薦公與其事擢工部照磨調漢陽經歷以事謫戍西夏慶王聞其名召入侍左右討論經史誦貫性理之學無何有詔邊戍慎選賢才邊將以公應召王曰仲陽之道德文學吾欲以為依歸今其行也俾吾失所師隳所學矣因請為府僚上乞其請除伴讀陞紀善有董賈之風焉公在西夏家傳睢陽五老圖至公已三百餘年恐流落殊方間關萬里携婦孺付其弟戶科給事中蒙古藏之今圖在蒙古所先生號

有集傳于世年七十六歲卒二子長珪業儒精醫次璠孫鐸授丘縣儒學教諭出家乘

違勘合皆坐死公聞之上言勘合雖違而稅糧已足罪宜減死詔可其奏悉宥之有胡藍逆党誅戮殆盡猶有濫及善良者公率諸給事奏其冤安翌日欽諭廷臣深加獎美自是告者遂息有織文綺衣之賜轉中書舍人除翰林侍書陞湖廣按察司僉事鞠疑獄伸冤滯太宗文皇帝登極復中書舍人奉勅題高廟神主者賞特厚年八十一而終公清脩若節嗜學好文居常則謹守禮度居官則謹奉職業嘗誦朱子猛省味腴之句與人交不盡歡以竭忠行有不得反求諸己所不欲勿施于人至若親友負租扣罪則鬻書以赴其急館人去難遺粟則覆箴以待其還其為侍書也制詔之傳于四方書札之賜于勳曰多公書之出入禁闥殆將十年忠誠慎恪始終一致可謂細行不遺全德無頗之士者矣所著有三畏齋藁子定安泰安永安泰安陽

信縣儒學教諭出崑山志



程